

75237.58/B10

43

HARVARD COLLEGE LIBRARY
FROM THE
HARVARD - YENCHING
INSTITUTE
MAR 1 1932

衡選元詩卷第二十目錄

五言古詩九

賈師泰十六首

李士瞻一首

盧琦三首

朱德淵十二首

陳樾一首

陳顯章二首

吳炳二首

趙璠一首

趙璠一首



御選元詩卷第二十目錄

五言古詩九首

貢師泰十六首

李士瞻一首

盧琦三首

朱德潤十二首

陳經一首

陳顯曾二首

吳炳二首

趙雍一首

趙奕一首



王武二首

余嘉賓一首

鄭元祐三首

許廣大一首

曹文晦一首

鄭元一首

嚴瑄一首

蔣堂一首

孟集一首

楊祖成一首

王綸一首

王綸一首二十日

潘澤民一首

聶鏞一首

鄭彛一首

謝理一首

張溥一首

徐昭文一首

王霖一首

祝蕃一首

陳高十一首

諸綱一首

甘立三首

袁泰一首

宋沂一首

辛敬八首

高明一首

王冕二首

張天英一首

郭翼一首

何儒行一首

盛景年四首

朱斌一首

黃公望一首

吳鎮三首

黃鎮成九首

李存四首

吳景奎二首

胡天游二首

張師愚二首

施坦一首

潘純二首

徐舫二首

Blank manuscript page with vertical lines for text.

御選元詩卷第二十

五言古詩九

貢師泰

擬古二首

東南有佳人遠在水一方綺疏祭飛樓曲闌圍洞房意
態閒且靚氣若蘭蕙芳纖阿揚姣服雜佩懸明璫流風
迴皓雪明月舒其光白面誰家子錦鞍青絲韁翩然一
見之下馬立中堂可望不可即五采盛文章

嶰溪有美竹挺挺霜雪中何人斷兩節製為十二筩宮
商自相應鳳鳥鳴雌雄一鳴垂衣裳再鳴致時雍從此
去不返治道竟少隆鄙哉叔孫氏綿蕝變王風寥寥數

千載伊誰啟冥矇后皇如有作聲教垂無窮

遣懷

日入柳風息月上花露多東軒頗幽敞夜靜時一過鳥
散庭中樹蟲鳴堦下莎北斗何低昂疎星沒橫河獨賞
誰晤語感慨成悲歌懷哉巖桂臺邈在姑山阿

赴京別親友

崇堤衛芳塘塘上種楊柳楊柳年年青慈親未白首送
我不忍別出門復攜手親友陟高岡立馬望良久離懷
急欲醉盡此樽中酒

姑孰道中

朝發慈姥山暮宿吳公橋日入氣猶溽清懷厭煩囂隔

江風雨至綠樹涼蕭蕭鄰舟頗相好有酒忽見招明發
波浪濶相望一何遙

湖上納涼有懷吳子彥

天風吹海樹瑟瑟秋氣涼河漢西北流衆星耿微光昔
我同袍友遠在水一方相思不得見展轉清夜長遙聞
鳴笳發攬衣月蒼蒼

題王維輞川圖

開圖縱奇觀江山鬱相繆兩坨轟峇峇重湖渺悠悠
宇抗疏嶺危亭俯圓流春塢辛夷發夏陌高槐稠竹館
翠陰晚萸泝紅實秋遠墅漆未割近園椒欲收驚鳥避
溪泉野鹿逐巖幽日暮川上歸涼飈蕩孤舟靄靄雲氣

御選元言 卷二
合漠漠煙光浮顧思天寶初綱紀壞不修霓裳按妖拍
鼙鼓起奸謀豈無匡濟術乃爲閒曠留菱歌自來往葩
辭更倡酬遂令摹寫間意度猶可求乾坤多變態江海
生暮愁白鷗飛不去千載空悠悠

彈琴

明月照中堂光彩爛華席美人援素琴聊以永終夕商
聲起天末四坐慘無色羈雌動疎林候蟲在空壁攜來
京國彈一彈三太息豈傷時序遷知音難再得

題滕王閣圖

雄城控華甸傑閣臨芳洲飛甍起千仞曲闌圍四周丹
碧何輝煌文采射斗牛帝子去不返頰仰經幾秋江黑

簾雨捲山青棟雲收孤舟天際來揚帆在中流狂飈薄
暮起坐覺增煩憂何當掃重翳白日耀神州開圖發長
歎天地一浮漚

涇縣石壁道中

萬山從西來中斷忽如劈攢峰阻重關兩崖立堅壁絕
壑噴飛流觸石勢逾激神龍宅其下白晝飛霹靂涉險
恐羸驂凌高快健翻須吏得仙館頗覺契幽寂入竹敞
涼軒掃花吹鐵笛坐久竟忘疲塵襟忽如滌翻思崎嶇
間使吾心戚戚

過仙霞嶺

連山界甌閩茲嶺亦峻極傑觀奠方陸高標麗園則淋

漓割元氣黯澹帶古色綿亘姑菽墟蒼翠欲四塞仙霞
高矗天五采絢赫艷萬仞聳崢嶸百里見孤特稜角露
毫芒縷脉界縫絨我行任網紀逾月來自北道途多艱
虞况乃事登陟初緣複磴危漸轉重關側攢峰與疊巘
盡日走崩劣連岡躡衙衙絕壑瞰冒遠岫忽已違近
隴復相逼躋攀苦方寸跬步輒止凝若然造曾顛軒豁
始有得或列若屏幃或限若戶闕或偃若覆釜或俯若
鼎鉞或恭若執圭或竦若憑軾或尊若受朝或卑若就
職或若孤鶴駕或若萬馬勒或若華蓋張或若夫容植
或淨若新沐或靚若初飾或爭先若馳或嚴整若飭或
若進而拱或若退而効或偃若將趨或顛若將踣或堅

若長城或錯若列國或聯若串珠或牽若徽纆或搏若
熊羆或射若虺蜮或冕若華旒或屨若赤纆或顯顯若
昂或踽踽若抑或軒軒若舉或悄悄若默或欣欣若喜
或慊慊若戚或駸若蠢愚或穎若岐嶷或窮若龜曝或
直若隼革或差若頡頏或比若稻稂或倚若弓劒或羅
若罟罟或銳若戈矛或卓若檠杙或渥焉若丹或黝焉
若墨或離焉若愁或俛焉若畫或儼焉若思或慘焉若
憶或豁砢若噬或鑿削若剋崎嶇歷萬狀意態轉惶惑
矯首勞脛脰舉膝撐胸臆僕夫盡劬瘁負擔屢蒲伏健
駭猿猱勢快羨飛鳥翼長風度林薄草樹紛偃仄雲歸
窾竇昏潤滴嵌巖泐涓流乍逶迤懸溜竟滂沱豫章間

梗楠榛莽翳柞栲野草結山果瑣碎多不識爛漫錦機
翻離披翠羽織竹籟笙鳳鳴藤雨淵珠滴濃淡各異態
不豐亦不嗇根露獸鬪欹株朽人立直幽谷嗥怪禽坳
塘落鷓鴣古柴蔓草荒廢井苔蘚蝕茅屋列二三亂石
羅萬億水耕雜秔稌火種饒黍稷寒泉浸蹲鴟飢食同
稼穡憑高謾徘徊得廕暫休息掬水滌煩襟坐愛清湜
湜仰看高空青俯視深潭黑其上浩無際其下深莫測
豈惟龍蛇都實乃虎豹域前瞻已出險後顧猶未即我
行既已遠我志敢不力倉皇問前途日挂半巖巽峻坂
注迢迢憂心動惻惻自從黃巢亂近復多盜賊敗屋雖
僅存居者間逃匿窗牖旋遮護几案忙拂拭頽然就牀

枕強起具蔬食新醅薦茅柴晚飯飮蘆菹豈不念馳驅
王事亦孔棘江東戰未已閩南病尤亟所當效微忠孰
敢怠晷刻吾道豈無補憲度亦有式民風轉移間要在
盡悃幅豈徒慰凋疲庶將別淑慝追踪古聞人上以報
皇德

天台林氏山齋瀑布泉

飛龍上青天忽聽山石裂怒驅萬壑雷散作半空雪脫
巾弄潺湲展席映澄澈毛髮爲森立盡洗人間熱浩歌
下山去日暮風烈烈

送劉子還江右

晨飈起庭柯落葉當階積流光儵云變感此送行客遠

行歸無期况與親友隔潛魚無縱鱗倦鳥思斂翼物理
且如此人事徒役役徘徊激中腸衣上霜露白

秋夜和韓與玉

齋居在城西庭戶頗幽敞涼風起高樹落葉時時響境
靜人少來理悟心自賞方忻結同盟慎勿成獨往

蘭臯雅集

弭節蘭江渚散策嘉樹林良儔亦以集式慰離索心列
坐引疏酌斲歡契冲襟風清暑氣薄日落潭水深高蔭
多鳴蜩時時曳餘音豈無繾綣意淹留畏官箴煙塵庶
可息吾將遂投簪

風雨送別張道亨僉憲

空山自寥闐况此連日雨清晨起開門隨意立東廡風
吹檝欖樹青子落當戶濕薪就齋厨蚤飯已及午飢來
美壘盤初非厭雕俎相知屬歲晚落落還可數君去不
可留雲帆在南浦

李士瞻

楚門述懷

我昔放船日乃在孟冬初此時風寒競雨雪紛載塗是
行死生別妻子不得俱江南地偏下况復在海隅嚴冬
如初秋天氣恒多殊草木未搖落布褐被體膚網工此
邦人室家念居諸繫舟楚門灣一住十日餘我心如鋒
攢從行念踟躕雖沐主家顧志願良未舒情雖公私牽

御選元詩 卷二
輕重亦異趨君家素忠義所望同吾徒王程已愆期日
夜畏簡書苟重君父憂內省還何如願君竟茲意早發
勿趨趨

盧琦

咨王侍郎寄襖原魯應奉

名門世所仰偉器人初識除書出省垣匹馬發山驛金
臺芳春宴玉署清晝寂年富經學優事簡官情適筍班
綵雲曙蓮燭明月夕登岡望庭闈開閣集賓客鯁生寂
無聞良晤何由得髮鬢亦已華意氣徒自激題詩寄天
風渺渺煙樹碧

龍江山平遠樓

龍江居人稠市井若城邑陳君作江樓塵雜不相及身
閑千慮遣日駐萬境集羣峙兩岸山一一如拱揖大海
東南流海氣日呼吸長橋亘百丈層塔崇七級微茫認
島嶼曠蕩辨原隰潮聲山外寒嵐氣屋中隰古寺煙鐘
來遙浦漁艇入霜晴鳧浴月白蛟螭泣賓朋事幽討
觴咏屬佳什蹇予簿書煩乃受升斗繫公餘強登眺詩
思轉羞澀江空歲年晚日夕天風急行藏我何心倚闌
還佇立

春江晚渡圖

風微杜若香潮滿江聲寂扁舟古渡前推起篷窗白山
外日未高波底雲先赤隱見杏花村依稀煙雨隔人間

行路難羨此丹青跡焉得并州刀剪取澄江碧

朱德潤

對月

雲間一片月照我披素襟爲持一罇酒聊成對月吟月
雖不解飲我來意自深喬松引長風吹作絲篁音瑤光
映几席六合清沈沈情舒物理暢萬古同茲心

次方叔淵先生自趙屯歸城中韻

晨發趙屯路郊務曷勝紀扁舟轉重灘棹激浪還汜邨
深雞競鳴時見出農耜楓林宿靄收茆屋炊煙起依稀
遠江湖漸覺近城市逢人問歸程舟子行且喜宿雨起
新漲蒹葭沒秋水思倦名利塗醒心甘洗耳先生棄儒

冠高蹈出鄉里優游吳楚間生事丹砂裏壯年厭世紛
歲暮少知己欲拂珊瑚竿東溟釣青鯉學仙終難期世
事那有已得錢聊問道垂老無妻子故人懷千里豈念
固窮士

別後懷權贊善李仲思二宰

采采凌冬花夾道多荆菅驅車蹈前轍我僕衣裳單良
集旣已定敢辭行路難懷人在東南歲晏路漫漫軒車
來何晚凝睇登嶺岼蒼天雖咫尺安得生羽翰幽居竟
晨暮旅食惟加餐夜寒飄風寂水涸零露溥相思不得
寐起舞影蹒跚天垂四野靜落月金團團

和虞先生榆林中秋對月

月高星藏光天靜四山出炊煙斂林墅羣作向昏畢物
情初無干浮生自啾唧征途行復止鏡髮元又白人生
身抱器志老劍在室百年生誰存一士死不沒兢兢凌
霜榦幽花當春發

大長公府羣花屏詩 錄三首

夫容

夾城遺芳栽搖落及千年夫容發靚粧絕豔秋江邊臨
風拂羅幃紅裳擁三千素抱拒霜質亭亭赤城仙曾攜
一枝去生綃記餘妍

白茶

秋高銀河瀉碧宇淨如洗飛仙自天來幻作白茶蕊清

香不自媚迴出山谷底盈盈雙玉環婉立庭戶裏風霜
非故林雨露結新意

石榴

雨餘鳴蜩歇衆綠鬱陰翳綃囊感紅巾光焰當林麗映
日萼先皺臨風葉如綴秋深薦紅實顆裂排皓齒祇應
乘槎客天上得仙味

石民瞻山圖

女媧鍊五色大魄補不牢至今西天首天近山常高嵯
峩蒼雲表百鳥不敢巢仙人十二樓城闕金岩堯下連
丹砂井皓氣沖寂寥似聞笙竽韻有客醉仙桃採芝者
誰子霞冠赤霜袍手持長年書邀我同遊遨我今胡不

御選元言 卷三
樂失志在蓬蒿思仙不得去作圖謝塵囂終當訪王子
跨鳳騰九霄

題拙作小圖二首

碧山高陰岑老樹立突兀嵐光凝曉候隱現蒼林密空
谷有佳人胡寧欲行役

招提抱層巖闌楯出虛迴微微宿靄收轉見蒼林靜客
子更何之扶筇躡雲磴

游玉泉山呈袁伯長學士

宛平佳山水歷歷蟠心胸忽登羣峰頂下瞰青蓮宮長
松騰翠蛟古磴妥垂虹雲開扶輿氣翕忽如仙翁我來
方醉後游覽徹九重長嘯出林杪振袂揚天風願同安

期生攜手凌昊穹

廿四日出京口河冰阻舟二日方抵呂城
舟行出京口夜宿丹陽縣嚴風吹港曲河冰白如練寒
侵肌粟生光耀目花眩連艘若膠綴兩宿冒霜霰素歷
行路難辛勤敢辭怨敲冰望呂城日倒氣微轉明旦春
陽迴吾道復堪羨小人散陰霾君子履剛健

陳桎

送張吳縣之官嘉定分題賦得太湖石

太湖一片石重巒八面回影枕碧波月身駁錦紋苔峯
粵金峰隱玲瓏翠碧開玉露浮仙掌丹霞照天台雲靜
蓮花出星虛織女來相門題品舊堅貞冠古才

陳顯曾

武夷山

重開啟元閔曲磴環蒙茸何年窈窕姝捧出金芙蓉初
陽炫光彩細溜鳴丁東虹橋跨遙漢委曲開靈宮初疑
公孫氏問道趨崆峒又疑安期生息駕元圃中世紛偶
睽隔幻境隨朦朧幽踪豈難攀大化不可窮日月旋我
戶煙霞為我容蘊真愜所願御氣如乘驄綿綿葆真素
接珮從羣公

春日郊望

陽林上初旭散策臨郊甸藉草綠已滋攀桃露猶泣覽
物時屢改懷人候將變械情待朋知及茲事遊踐

吳炳

詠塵

氛氲隨騎集散漫依風度似霧暗津樓連雲隱郊樹漸
迷烏几色已失京衣素嗟余南北人長年事行路

衢江舟中懷江實夫

仰止爛柯山故人渺何許行舟不可艤回首重延佇涼
風吹客衣秋樹濕殘雨多情雙鷺鷺翩翩向洲渚

趙雍

古詩

我居水精宮遠遊來朔方離家近十載兄弟遙相望始
見世情薄紛紛名利場富貴不可期人生難忖量乾坤

御邊元言 卷二
本無私江山歎興亡蟬聲噪落日露草啼寒蟹明月如
有情照我肝與腸西風動林東蕭然秋意涼回首歲云
暮信美非吾鄉展轉復展轉愁多知夜長

趙奕

玉山佳處分得解字

并序

至正辛卯冬十月余從苕溪來訪玉山隱君艤船
百花洲下適友人呂伯起御史自閩來解后於官
驛話舊盡日賦詩爲別明日攜詩偕沈自誠同過
玉山中時省郎楊伯震龍門山釋良琦亦至焉隱
君佳客也至乃置酒於草堂復邀山陰王德輔匡
廬于彥成汝陽袁子英同飲時霜風初寒松菊具

秀酒半匡廬于山人舉盃屬余曰今日之會誠不
易得子過賓且文雅能無言乎余遂以何以解憂
惟有杜康分韻賦詩余得解字復爲序首云
我從姑蘇來高臺逢呂豸共坐話當年日昃不能罷迴
瞻玉山青百里風帆挂維舟草堂前梧竹自瀟灑一別
逾三秋相見各驚駭開筵出紅妝持盃擘紫蟹黃花照
白髮流光豈能買茲辰且盡樂一醉百憂解

王武

送傅與礪廣州教授

與子俱客燕相逢閭里間意氣即相許然諾在一言南
金非所重燕姬非所羨古稱慷慨士捐軀赴人患自謂

金石交從今至歲寒子忽遠行役喟然傷肺肝
執手出都門長揖從此辭遊子歸遠方壯士亦苦懷鄧
林非無木木惡不可棲冀北非無馬馬駑不可馳高天
上無極浮雲將何依日月苟不修重來以爲期

余嘉賓

武夷山

山花何灼灼河草復茸茸桂棹入煙露晴川濯芙蓉俄
驚日沉西倏見月生東置酒三生石吹簫水晶宮坐邀
廣成子羽駕來崆峒更約琴高生騎鯨滄海中三盃醒
塵夢醉眼頗朦朧談笑凌倒景天地無終窮願堅風霜
操保此冰雪容黃塵遍九陌蹠躩五花驄母云久肥遯

經濟屬諸公

鄭元祐

贈譚臺史

高昌佳公子氣橫海嶽秋玉壺洗零露錦機濯芳洲真
致埃壒外獨與神明遊峇堯鳳凰臺日晏行雲愁帝念
南紀大建臺分顧憂列聖耳目寄職斯布皇猷誰工古
人學可參憲臣謀之子被辟命束書上昇州煌煌三台
星列宿莫敢儔而子妙折旋婉變通襟喉不居世祿懿
遠慕儒術優先正高與馬德言皆可酬骨朽名不泯耿
光懸斗牛子能勗令聞席珍重天球况復五彩筆盡意
工冥搜飛花落碁局弱柳維江舟感此時物佳念子何

能休龍駒少汗血駑馬老益羞白雲高莫和晴山曉加
稠日沒煙樹遠重倚城南樓

送劉長洲

中吳號沃土壯縣推長洲秋糧四十萬民力罷誅求昔
時兼并家夜宴彈箜篌今乃呻吟聲未語淚先流委肉
餓虎蹊于今三十秋畝田昔百金爭買奮智謀安知徵
斂急田禍死不休膏腴不論值低窪寧望酬賣田復有
獻惟恐不見收日覺鄉胥肥吏臺起高樓坐令力本農
命輕波上漚天意憫困劇南轅卯金侯侯有萬金劑援
囊令病瘳甃者起雀躍瘖者言嘲啁坐令百里邑姦回
息彫鏤是皆仁侯惠頌聲滿道周清朝考功選賞典無

滯留願侯登廊廟一洗蒼生憂

送友還鄉

墮地作男兒有用須及早當年懸弧意焉得鄉曲老青
雲一蹉跎鬚髮日已皓常恐歸去遲心焉慙如擣我家
東吳城翠竹森若葆力畊輸王稅妻子亦溫飽詩成每
獨咏觴至或共倒富貴將焉如歲晏聊自保蕭蕭風前
柳貿貿霜下草有官固當歸無官歸亦好

許廣大

宿寒巖

幽尋入藤蘿谷轉樵徑少夕陽度遠岑鐘聲出林杪陰
風吹空壑招提極深窅中有茹芝人冥搜事幽討揮手

御選元言 卷二 鄭元
謝時人高蹈羣峰表石牀思舊游春林忽啼鳥夜來山
雨多岩堯落清曉

曹文晦

上山采薜蘿

上山采薜蘿采采不盈掬下山逢故夫褰衣攔道哭昔
君棄妾時二雛方去乳骨骼今已成終能繼門戶飲水
當思源惜樹須連枝新人雖云樂當念舊人爲上山采
薜蘿歌思一何苦我欲歌向人今人不如古

鄭元

奉題聽雨樓

飛樓何凝陰雨氣正含霧瀟灑集羣雷浙瀝散高樹聲

懸長風外坐想當瀑布習喧久漸息靜聽乃真趣陰晴
造化意年芳暗中度白髮如散絲憑君寫幽素

嚴瑄

題王叔明聽雨樓圖

層檐集夙溜深砌走鳴瀑餘聲殷天籟清氣入林屋風
波任喧洶燕坐瞑雙目冥身得蕭爽洗耳絕塵俗香穗
鬱水沈簾花映湘竹篝燈動春酌剪韭留夜宿與客對
牀眠清談未云足

蔣堂

題徐良夫畊漁軒

青山無世情終古長一色下有畊漁軒空翠羃朝夕澗

花晚猶紅水鳥秋更白涼風薄苧裳斜日望紗幘悠悠
天壤間誰非去來客

孟集

登玉龍山

十年困塵氛南北厭奔走流年既冉冉節序復何有今
日天氣佳那知是重九玉龍並高寒黃金照虛牖笑談
得佳士更喜盃在手西望墮烏紗容我開笑口

楊祖成

玉山佳處以何以解憂惟有杜康分韻得惟字
簿書縛壯士三載勞驅馳歸來事愈繁心緒如亂絲故
人界溪北天賦玉雪姿亭臺寄游息花竹供娛嬉嗜好

異流俗畊釣每自怡一別動經歲夜夢或見之今朝獲
良覲如解渴與飢張筵沸絲竹妙舞雙吳姬座中盡嘉
客梧竹標相輝酒酣置筆硯分韻令作詩嗟我塵俗狀
清事久不為詩從何處生枯腸費思維督促星火急強
歌紀歲時自慚鄙拙句亦聯珠璣詞明朝便陳迹分違
各東西此歡恐難再後會何當期

王綸

龍淵景德禪院分韻得又字

驕陽秋逾爽屋居苦囂陋出郭謝塵鞅浩氣溢宇宙祇
園蔭長流松篁倚天秀簪履適相從萍水欣邂逅主人
延客坐芳情重醇酎道合猶同門志洽儼交舊緬懷風

御選元言 卷二 聶鏞
塵際東西羈困走餘生獲良會歲月不可又願言慎所
止同心契蘭臭日薄嗟易昏明當覩晴晝

潘澤民

南湖分韻詩

少小客燕趙南北事奔走蓮花與參從菁莪長生友風
塵撲人面荆蓁掣人肘棄却頭上冠歸種門前柳門前
柳未綠鶯訝驚風吼豫章隨飛蓬喬松若摧朽况此初
生稊吹落竟何有春陽賴萌動翠色仍如箒還將舊時
月夜夜當窗牖始信蔽芾陰可以覆童叟

聶鏞

送張吳縣之官嘉定分題賦得天平山

茲山鎮吳會秀色削金碧拔地起萬仞去天不盈尺劒
矛輝日潔芙蓉承露滴龍門啟石扇天池湛玉液曾橫
松下琴屢駐雲間舄于今望山處蒼蒼暮煙隔

鄭彞

雩詠亭續蘭亭會補山陰令虞國詩

夙駕稅幽麓泛醴循流瀾芳蕤被巖瀨葩萼耀林端靡
靡時運近斯焉撫嶺岼主欣遠賓集陶然有餘歡

謝理

雩詠亭續蘭亭會補侍郎謝瑰詩

東溫散晴旭灌木浮嘉陰良辰事修禊我友欣盍簪方
池注清流可以濯煩襟一觴復一觴暢情忘古今

張溥

零詠亭續蘭亭會補鎮國大將軍掾卞迪詩
茲辰暮春初散策臨泉石雲渠引微波浮觴薄前席伊
人既已去古今同一適睠茲修禊地遙岑澹空碧

徐昭文

零詠亭續蘭亭會補府主簿后綿詩

茲辰天氣佳駕言寫我憂衣冠盛良會袂袂俯長流川
容澹疎雨樹色翳崇丘清風接千載復此逍遙遊

王霖

零詠亭續蘭亭會補王獻之詩

華髮宴餘春微風宿雲散蘭臯野氣芳桐岡日初旦羣

賢集崇丘臨流水光渙酌酒清湍曲俯泉旣長歎

祝蕃

下第南歸別俞伯貞

驅車出東門別酒忽在手去國古所悲况復失良友
芄丘中麥鬱鬱道傍柳揮手從此辭煙雲黯回首

陳高

晚歸

西崦日初沒遠樹生夕陰晚步草露濕獨歸松徑深入
室載言笑稚子牽衣襟尊中有濁醪可以酌復斟坐來
窗牖白佳月出東林幽情寄觴詠適意忘華簪自得閒
居理寧憂外患侵

遷居

遷居城南村幽情意所適室廬頗虛敞結構自疇昔倒
檜護周垣修竹蔭奇石涓涓井泉清靄靄簷雲白去郭
二三里迴與囂塵隔于茲載寢興朝暮靡所迫讀書南
窗下奉食老親側褰裾戲童稚煮茗待賓客身閑貧亦
佳機忘心已寂旋種園中蔬春葉庶堪摘時危幸安處
生理寧復識雖非曠達夫翫世聊自得

歲首自廣陵入高郵舟中作

北風吹湖水遠行當歲徂孤舟無同人相依唯僕夫遙
睇高郵城彷彿十里餘落日去地遠飛鴈與雲俱悠悠
思故鄉邈在天南隅慈親倚門望我身猶道途羈旅豈

足恤但念骨肉疎何當脫行路歸卧山中廬

近山軒燕集 并序

至正十二年夏四月八日會于張思誠之近山軒
時孔君正夫方自吳回曾伯大陳德華徐德顯金
士名呂敬中盧文威鄭子敬咸在而高亦與焉皆
能文之士酒酣正夫言曰茲集也不可以無紀乃
命賦詩分韻取陶淵明孟夏草木長繞屋樹扶疎
之句凡為詩十首烏乎朋友會合而歡宴詠歌亦
古人之所重也然平居無事時而接盃觴弄筆墨
此特文人才士之常耳當茲海內用武之日而吾
與諸君居左邑下州得以恬然安處相與飲酒賦

從遊元言 卷二
詩爲樂豈非幸歟夫樂而不知其樂者衆人之情也樂焉而不以文者荒于樂者也今也樂其樂而必以文亦可謂不失其正矣叙而錄之所以不忘也

幽軒近青山層簷蔭高木茲晨天氣佳涼雨破裨燠鳴蟬度新聲叢蕙散餘馥几席具陳列籩豆進穀菽故人吳中歸舉酒喜相屬微酣各忘形起坐命棊局好樂初匪荒笑語勝絲竹人生百年內光景猶轉轂况當艱虞際歡會情愈篤酒闌復何言長歌紫芝曲

過馮公嶺

絕壁倚霄漢千峯勢如馳何年五丁士鑿石連天梯縈

紆不可上髣髴登峨眉白石齧我足霜風吹我衣前途政迢遞我已筋力疲寒花道傍開幽鳥林間啼彷徨俯自慰少憩日已西浮生浪奔走困踣胡爾爲他年履坦道慎勿忘嶮巖

送陸有章分題得吳山

吳山如層臺積翠俯城郭古木秀松楸元鳥隱樓閣雨散飛素雲風靜語丹鶴游人日躋攀杖屨相繹絡陸郎吳中來雅志好丘壑哦詩松間題攜酒石上酌我性亦愛山方期結幽約茲焉送子去登陟慘不樂遠別已傷懷真境况寥落佇立睇大江孤舟入冥邈

留別諸友分韻得日字

寒色滿大江北風吹落日停舟別諸彥中懷抱湮鬱黃
緣結金蘭深固比膠漆佳會不可常歲晏政寥慄居者
成淹留行者念家室分攜在俄頃東西永相失俯視流
波去仰看飛鳥疾人生如浮萍乾坤渺蕭瑟

青田山房爲劉養愚賦

幽幽青田山積翠高千尋大溪經其南白雲在山陰下
有隱者居卜築遂以深開門面石壁結構依松林牆古
薜荔長砌閑苔蘚侵簷間戲馴鹿戶外鳴幽禽花卉春
佳冶竹木夏蕭森秋宵月照牖冬晨雪明岑塵坱詎能
到車馬絕過臨其中何所有乃有書與琴逍遙足忘世
俛仰可娛心酒熟聊自醉興來時獨吟永謝城市喧何

用懷纓簪

發岷縣

行役苦晝熱戒程當夜闌睡覺呼僕夫出門路漫漫明
月照人影疎星挂樹間流螢點衣袂零露濕巾冠朝遠
剡溪水俄入新昌山屬茲干戈際愈覺行路難愧無經
世資何以濟險艱悒悒抱遠思綿綿起憂端東方忽已
白林鳥鳴間關前瞻石嶺峻喟然發長歎

過廣福寺石屏山房懷曾子白修撰陳伯清侍
講

游行滯春雨憩息依禪林寺門閉寥闕崖石聳嶽崑幽
禽飛復止修竹何森森賞寂屏塵慮觀空起遐心分榻

徐選元言 卷二
坐雲影巡廊步晚陰緬懷玉堂彦曾此共登臨惆悵撫
遺迹石徑蒼苔深

種種花

炎方有種樹衣被代蠶桑舍西得閒園種之漫成行苗
生初夏時料理晨夕忙揮鋤向烈日灑汗成流漿培根
澆灌頻高者三尺強鮮鮮綠葉茂燦燦金英黃結實吐
秋蠶皎潔如雪霜及時以收斂采采動盈筐緝治入機
杼裁剪爲衣裳禦寒類挾纊老稚免淒涼豪家植花卉
紛紛被垣牆于世竟何補爭先翫芬芳棄取何相異感
物增惋傷

諸綱

零詠亭續蘭亭會補府曹勞夷詩

叢木翳林薄構亭俯澗濱旭日散晴彩光風媚芳春臨
流轉輕觴于以樂嘉賓詠歌意自適酣暢趣益真茲遊
敦所尚庶足酬令辰

甘立

八月十一夜直省中

涼風生廣除白露墜斜漢沈沈夜氣集皎皎月光爛門
深祭戟嚴庭寂兵吏散柝鳴栖雀起階濕吟蛩亂徘徊
久不寐感慨輒興歎非才直承明弱冠弄柔翰遭逢媿
終賈漂泊類王祭名臣鎮大藩從事乏良算

晚出西掖同柯博士賦

御選元言 卷十
薄暮出重闈透遲望雙闕輦路猶輕塵上林已初月悠
悠文書靜去去車馬絕小草慚長松承恩總無別

瓊林臺爲薛元卿賦

西山有崇臺上與雲氣通仙人紫霞佩導以雙青童逍
遙琪樹林盤礴瑤華宮積石象元圃連岑構空同纒纒
駐朝景泠泠度天風丹鳳刷儀羽絳節飄瞳矐矯首不
可及滅沒凌飛鴻願言授靈藥與世無終窮

袁泰

秋夜書懷

夜永月未出星河爛盈門商飈振高梧下有羣蟲喧切
切促機織依依如訴言炎蒸未云幾涼思彌乾坤驚心

節物換撫事中襟煩但見川水流莫知塵土昏朱顏自
茲異白髮亦已繁禾苗布東塍果樹列西園栽培雖異
地生成本同根華實各有待彫零性長存君看碩大瓜
遺蔓仍籬藩

宋沂

題澹齋

泠泠山下泉謾謾松上風松風吹我心置彼山泉中清
深聊洗耳汪洋因盪胸時時酌元酒孰與甘醲同張侯
坐齋閣尺宅如虛空泊然濯塵慮明德庶彌崇

辛敬

次第古詩八章奉題嘉禾八景用呈在山老師

一粲

秋陰覆野水暝色帶高城萬古風雨餘滿軒空翠生昔
人會心處華落徒縱橫勝事歎千古焉用此高名
諸溪駛奔湍神物出其下浩劫上浮雲中霄走雷雨吾
嘗隱廬阜飛瀑孤絕處對此發幽期長吟度秋浦
落日湖上行風吹湖水明芙蓉未出水鴛鴦空復情佳
人翠袖薄公子彩舟輕暗憶題詩處花絮滿春城
昔賢讀書處今人採樵路煙雨暗春波江鷗迷處所山
遙數峯出洲隱千颿去應有倚樓人天長望汀樹
孤城何迢迢飛棟上咫尺初日照江波吳船夜吹篴秋
清埜寺靜露下蘋洲碧不見放漁人疎鐘起遙夕

怒濤來修渠西出吳門道官家嚴水利蓄洩何草草洞
庭霜橘晚震澤鱸魚早從此具扁舟長學渭中老
榜舟趨南山飛蓋轉賦旬登高望吳越擊鼓馳觴讌靈
巖振巖角飛雨灑石面欲弔子胥魂歌長淚如霰
古寺閔幽敞清涼生道心澄源既不昧萬象自浮沉龍
吟珠光曉鳥渡菱花深上人散華處時復一來尋

高明

宿詵公房曉起偶成

曉雨池上來微風動寒綠幽人睡初起開窗見脩竹西
山帶層雲隱隱出林木境寂塵自空慮澹趣常足獨坐
無語言流泉下深谷

王冕

寓意次敬助韻二首 錄一首

聖賢不浪出處士匪懷居孔明是何人高卧南陽廬躬
畊良自苦待時故踟躕所為梁父吟豈比封禪書

寓意三首次敬助韻 錄一首

蠻觸雜奔競蠅蚋紛爭喧鸞鳳巢枳棘鴟鴞集琅玕風
雷久不作野露生微寒壯士萬里懷肯謝漂母食古來
王佐材多在畊釣間

張天英

宴鄭明德與袁子方張伯雨得落字

東家白雪翁載酒青山郭相招竹林彥坐對春風酌一

花飛入樓汎我銀鑿落醉步松月歸令人夢孤鶴

郭翼

松泉圖

迢迢澗上松灑灑松下泉微颺散晴雪飛琴瀉寒絃懷
哉山中人眇予隨塵緣九江秀可攬山色青于蓮浩歌
招黃鶴重賦雲巢篇

何儒行

送姚道士往金陵訪玉林鍊師

麻姑翠峯堯青松蔭泉石道人懷遠遊清嘯聞終夕身
被紫霞衣山川訪仙跡金陵古形勝樓觀絢丹碧皎皎
玉林子觴詠日閑適得茲翛然侶清風生几席華月滿

中天虛空夜生白

盛景年

待馬易之不至

幽人期不至獨依庭樹行不覺出門去滿湖春水生微
雨立橋上遣人騎馬迎應想來漸近隔街聞語聲

題山水畫

待渡見孤舟穿林望高閣雨餘泉脉動日照巖光薄閉
戶茅屋深汲水松花落回首白雲間兩人相對酌

萬頃雲亭

浮雲海上來西橫太湖過散彩涵秋汀垂陰入虛坐日
照天影移風吹浪紋破開窗綠樹間何人讀書卧

白鶴觀

幽境松竹清人行陰露滴獨犬下堦眠一姬當門績旌
幢高殿閉鐘磬虛堂寂道士不相逢蛛絲懸素壁

朱斌

至正二十二年秋九月同孟知州登玉龍山

西風戒輕寒旭日開曉霽楓飄丹葉落菊含青蕊細茲
晨豈不嘉我獨念時歲於焉得良朋蘭若因少憩清歡
接慙慙高談豁蒙蔽載吟玉龍山歷觀遠凝睇秋光淨
於拭野色如點綴破帽不忍吹香醪莫辭貫人生百歲
間事事安可計出處固有時窮達何須泥逍遙海中舟
放浪人間世天高若鵠翔萬里從此逝

黃公望

王叔明爲陳惟允畫天香書屋圖

華堂敞山麓高棟巖傍起悠然坐清朝南山落窗几以
茲謝塵囂心逸忘事理古桂日浮香長松時向媚彈琴
送飛鴻拄笏來爽氣寧知采菊時已解哦松意

吳鎮

王晉卿蜀道寒雲

蜀道何年闢猿猴若畏攀雲依古木靜梵唄禪關閒野
店市未散斜傍河梁間行人自南北飛鳥互往還雞鳴
遍村落舟行溜潺潺青松紛滿目夕陽并在山誰云畫
圖表徒然見一斑

王晉卿萬壑秋雲

衆山互迴繞芳叢滿蒼壁野猿啼樹紅林鳥巢筠碧雲
來擁翠鬢泉瀉激古石吟翁自拘拘行人走役役歸舟
向東去炊煙上空滅前村未掩門不知日將夕

題畫

我愛晚風清順適隨所賞曩古竹林仙忽忽竟長往荒
除雜廢墟幾度蓬蒿長可人日相親言笑容抵掌靳餘
一席寬何用居求廣荷鋤藝木蔬刮地芟草莽舉步山
水長引引支離杖行役忘爾汝嘯苔巖谷響澹然入無
何朝來山氣爽

黃鎮成

南田畊舍

離離南山田采采山下綠茲晨涼風發秋氣已可掬
人平生親零落在空谷顏色不可見何由踵高躅
我畊南山田我結南山屋下山交桑麻上山友麋鹿
還看過鄰家鄰家酒應熟

臘月過里敦田舍

天高北風寒日薄歲云暮衰年畏奔走乃復在途路
山村投寓舍所歷遇親故具言違別久相問未知處
茲晨喪亂中詎意忽歡聚留客坐西窗呼兒忙治具
家釀熟未篤舊醅鄰所助筍菽雜梅蓀火豆連蔬茹
慚愧齒牙疎杯盤宜我怒雞肥割黃膏苦勸頻下箸
雜坐同几席誰能嗔禮數翁年當自寬鄙野得真趣
所願息兵甲田里無征賦借屋傍流泉從子山中住

避地椒歷

鄰家急相報且往椒歷山登陟如猿猱合沓同躋攀
遠近火煙起指點望城間椒歷不可住迫晚登孱顏
夜宿草樹中露下山氣寒

上鵲

一家巢上鵲俯瞰萬級田扶攜數百人夜宿荒山巔
正晝雷雷飛驟雨奔流泉月黑石磴滑歸路相攀緣
後至且勿迫小立聽潺湲

謝邊

御選元言 卷二
衝雨來謝邊滑路霑泥塗舊鄰忽相見留我宿山居然
薪燎我衣取酒慰我劬雖有骨肉親各在天一隅感子
勞苦意焉能念崎嶇

同御史鄭彥昭登丹臺

晨登鍊丹臺雲磴互盤曲五月居高明曠遠窮望目雨
洗炎埃淨涼風動梧竹遙峰明晚翠近瀨漱寒玉聯鑣
得驄騎杖策偶馳逐詩留紙上雲酒散樽中綠坐久獨
歸遲鳴騶出空谷

寫懷 并序

予作南田畊舍諸公賦者率擬之於老農噫人各
有志同牀而不察世之君子乃欲責人之知己不

亦難乎因作寫懷二首以自解云

白日不停馭頽波竟東馳忽忽年歲改念此將安歸我
欲馳車行太行路嶮巇我欲駕方舟滄海無津涯豈不
顧行邁出門慎所之有田南山下可以供盛粢有廬在
中田可以談書詩上探羲皇際下及商周時賢聖尚淪
落微生何足疑懷哉羨門子千載以爲期

種田南山下土薄良苗稀稊稗日以長荼蓼塞中畦路
逢荷篠人相顧徒嗟咨我欲芟其蕪但念筋力微終焉
鮮嘉穀何以奉年饑誰令惡草根亦蒙雨露滋豈無力
畊人悠悠興我思

遠適

吉日有遠適我行志四方西馳窮河源東望臨扶桑南
通火維外北達冰窰傍勿謂天地闊勿謂歲月長駑馬
積十駕千里追飛黃大鵬發天池搏風起翱翔誰能守
阜櫪不復馳康莊誰能斂羽翮但學搶榆枋大道甚平
夷誰謂阻關梁寄言遠適者日進不可量

李存

雜詩

秋日方杲杲獨行溪水干紛然浣沙女及此清未寒相
語有相厲歲晏霜雪繁誰云陶唐風遠矣不可還
慕古既多沮從俗寧可安吾冠方委塵政爾不必彈羣
醉敢獨醒孤芳若爲園秋風况無情最解吹朱顏

山中留夜宿明日以風雨對牀眠爲韻

雅性厭喧隘結廬林野中果何有勢利罕相從異
哉四子心春江遡孤篷灑灑竹方雨泠泠松欲風貧家
百無爲蔬食隨所供但於文義間稍願相磨礱顧此有
餘樂言旋何怱怱人生難定期往往如萍蓬豈不易分
別談諧誰與同尚懷秋花前興滿山園東豆寒始能莢
韭潤亦已叢儻或不遐棄清遊應可重

題雲菴

夜宿雲菴中白雲滿牀頭客來雲不語客去雲不留明
日在山下白雲何處求

吳景奎

喻鳩

東村五畝園荒穢久不治荷鋤種豆苗愛此膏土肥森
然已甲坼保之若嬰兒羣鳩競拂羽俛啄思無遺傍麾
雖稍却投間復在茲一啄不汝惜再啄苗已稀剗我心
上肉克汝腸中飢汝飢誠可憐矰繳那忍施桑林正沃
若桑椹方垂垂椹熟可醉飽林深無危機恩怨從此釋
斯園勿重窺鳩鳴對心臆羣然亦高飛

采菊

爽氣浮西山風煙澹原隰悠然出衡門佳節逢九日衆
草萋以青黃菊正秋色采之不盈把妙意良自得謂能
制頽齡可泛忘憂物驩言命壺觴萬事付酣適永懷東

籬人俛仰已陳迹

胡天游

觀蓮

清池瑩人心俯見荷葉背南塘非不佳無此青錢蓋沈
沈古鏡淨濯濯明妝對涼風似留人幽賞心獨會天公
亦解事一雨不破塊小呼巫陽雲浣此傾國態高盤捧
跳珠錯落無小大恍疑逢二妃迎笑爭解佩低昂巧簸
弄明月聚還碎馮夷不相容轉盼何所在人生總虛幻
佇立增歎慨聊將一餉閒了我看花債濂翁不我待誰
復同此愛長嘯歸去來餘芳滿襟帶

夏晝睡起一涼快甚

御選元言 卷二
三
炎敲困亭午推枕目猶眩簷光射茗椀高壁走驚電開
窗山鳥度倚杖松陰轉涼風惠然來林影一時亂徘徊
入懷袖顛倒弄書卷披襟領嘉貺頓爾掃煩倦迺知封
姨功百倍班女扇無由均此施獨享覩有面王師正南
征荷戟汗如濺

張師愚

古詩

仙人降瑤席風露清壇場朗詠玉書文遙上綠雲章閭
闔啟中夜五色垂景光霓旌導絳節授以長生方瓊漿
酌天和玉芝茹春香手種蟠桃花坐待三千霜相從廣
成子鸞鵠參翱翔

永慶寺

長松蔭禪宇柯葉何蕭森清風一披拂奏作綠綺琴虬
龍舞空洞鸞鳳相與吟衆籟起幽聽太虛本沉沉翛然
亭中人宴坐觀妙音心閒得深悟明月生東林

施坦

夜止張叔輿同宿因懷仲淵

連朝阻良覲暮節慨幽獨執手一欣然遂此東齋宿語
闌餘燼暗意愜清夢熟覺來疎雨聲月露滴脩竹聽禽
林景變見日塵事感仲氏有素期結廬向蒼麓

潘純

題伯修春風亭

御選元詩 卷二
青陽動微和條條原上來綠池解輕冰芳庭散香埃
祭桃李花照曜初日開永懷亭中人春服宜新裁

早行

溽雲斂徂暑陰火鍊金精瞻彼河漢白園林風亦清
肅郊鴈翔嘒嘒山蜩鳴吹笳者誰子三五柳邊城
城門一何高岐路百從衡諒無楊朱泣悠然白首情

徐舫

桐君

古昔有仙君結廬憩桐木問姓即指桐采藥祕仙錄
黃唐盛禮樂曷去遯空谷接迹許由儔曠志狎麋鹿
榭葉爲製衣松苓聊自服山中諒不死時有飛來鵠
余欲訪

仙蹤雲深不可躅

釣臺

子陵何爲隱漢爵不肯受天子下皆臣獨稱天子友
平生一羊裘甘作煙波叟迨今雙臺石高風清宇宙
夫何釣者徒千古祠弗朽烈烈雲臺功丹青今在否

御選元詩卷第二十

余闕十首

汪澤民二首

陳肅一首

王翰四首

陳謙一首

李祁二首

陳基十七首

饒介一首

張憲七首

陳秀民二首

劉仁本三首

御選元詩 卷三 目錄

楊維禎十二首

錢惟善二首

張昱三首

王逢六首

戴良二十九首

顧瑛七首

顧元臣一首

顧晉一首

御選元詩卷三十一

御選元詩卷三十一

御選元詩卷三十一

〇五言

御選元詩卷三十一

〇〇陸廣

〇〇〇占

三

御選元詩卷三十一

御選元詩卷第二十一

五言古詩十

陸廣

與金伯祥虞克用清夜聯話

浩蕩即扁舟紆徐適廣路元雲蔽重陰澄湖莽回互客雁度寒洲漁罾挂荒野故人欣會面握手出深悰古篋啟奇文微吟發清趣念茲慎勿忘勗哉紀良晤

邵光祖

宿良夫契友山齋

晏坐南窗下愛此池水平餘霞斂夕景百喙鳴秋清衆星疎以淡缺月倚空明塵襟豁蕭爽愈覺身世輕蓬瀛

亦伊邇遐念殊凡情視彼區中聚鼯睡何由醒

陸繼善

題趙榮祿水邨圖

青山迷遠近蕭條古郊墟側逕深且窈中有幽人居短
籬門半掩竹樹相扶疎平疇涵白波淺渚漲綠蕪何人
泛扁舟似欲相招呼誰令破幽寂驚鴻起寒蘆此意胡
可言會心寫成圖撫卷空歎賞悠悠水雲孤

張常明

次徐良夫謝雲林倪處士耕雲王照磨韻

清溪雨初歇爽朗氣如秋顧我蕭閒者悠然一虛舟愛
此山色佳崔嵬翠欲流適與畊漁子心意俱休休看雲

投澗壑擷芳度汀洲行吟時岸幘坐憩或科頭尋真披
密篠寧辭道路脩忘形諒莫逆同氣欣相求勝槩夙所
聞茲來遂遨遊才思慚予劣文華羨子優已知樂放曠
且復為延留襟期本冲澹情話幸綢繆興來哦新詩况
有鳥聲幽還邀望湖月重上臨溪樓

陸侗

綠雲洞

雲林氣蒼寒百年老禪宅清冷蒼蘊香太古蔚藍色金
鐘有時振珠露不住滴朝來自研朱重將梵音譯

張體

送張吳縣之官嘉定分題得琴臺

靈巖鬱嵯峩上有古琴臺天光瀉石面月色流翠苔冥冥煙鶴唳渺渺松風哀彷彿清商奏仙人騎鳳來雲旌卷絕壁祖帳行瓊杯願言宓子賤去邑更徘徊

錙堪

擬古

千金買明珠百寶裝帶鉤寶帶綰同心明珠垂兩頭美人結新歡託體相綢繆再拜稱主壽持以奉千秋

毛翰

春日有懷仲遠徵士二首

抱病惜芳景衡門掩春風乾鵲似相語飛飛鳴屋東
啜啜不少休趣我步庭中鵲去故人至手持書一封問荅

未及竟遠道情已通開械感鵲意含笑歸房櫳

鏡湖不可去還憶夏蓋湖其源翳林麓其隰散荷蒲扁舟四五客美酒一百壺狎弄魚鳥間簸蕩雲水區放情恣游泝忘彼形勢途晚尋煙中塢猶足憩斯須幽花列妓女明月侑盤盂長嘯來天風濯足亂江鳧庶幾永終日聊樂以為娛

郭完

方士志畊隱

雨衣製青荷雨笠編新籜斯人沮溺流日晏猶耕作今年擬有秋烹羊祭先穡招我食力徒斗酒聊取樂酣歌擊瓦盆昨晚牛生犢

余闕

送劉伯溫之江西廉使得雲字

祖帳依山館車蓋何繽紛使君驅駟馬衣上繡成文中
坐陳綺席羽觴流薄薰情多酒行急意促歌吹殷况我
同鄉友同館復離羣初暘麗神臯遙望澄遠氛迴鑣望
雙闕五色若卿雲蒼茫歲年徂東西岐路分道長會日
遠何以奉殷勤惟有凌霜柏天寒可贈君

秋興亭

涉江登危榭引望二川流雙城共臨水兩岸起飛樓漢
渚深初綠江臯迴易秋金風揚素浪丹霞麗綵舟登高
及佳日能賦命良儔御者奉旨酒庖人供膳羞一為山

水媚能令車騎留為語同懷者有暇即來遊

先天觀

仙客鍊金地蒼山深幾重至今龍虎氣猶在琵琶峰峰
前石路整金澗垂楊嶺萬壑閱阿宮千年奉丹鼎日日
采三秀人人吹玉笙既要王子晉復命董雙成方朔金
門步春來多自豫青鳥幾時還銜書寄君去北闕懷美
祿南山思遠遊勞心如御水東去復西流

山亭會琴圖

連山環絕壑雲木亂紛披中有抱琴者有如榮啟期蕭
然久不去問子欲何為

題劉氏聽雪樓

御選元言 卷三
羣峰擁臨檻脩竹鬱菁菁蔭向曲池好聲惟雪夜清天
寒三日臥人道是袁生

安慶郡庠後亭讌董僉事

亭名天
開圖書

鯨鯢起襄漢郡邑盡燒殘茲城獨完好使者一開顏省
風降文囿弭節遵曲干雙池夾行徑累榭在雲間天淨
羣峰出地迴蒼江環霞生射蛟臺雁沒逢龍山開罇華
堂上命酌頰危闌主人送瑤爵但云嘉會難豈為杯酒
謹樂此罷民安魄淵無恒彩清川有急瀾明晨起驂服
相望阻重關

九日宴盛唐門

今日良宴集玉帳設金縣賓稱此嘉辰令德應重乾淒

淒秋陽升湛湛江景鮮西馳三澗津東瞻九華山文湍
帶粉堞卿雲覆綵旃清歌送銀爵汎此秋花妍嗟予遠
征人別家今四年采薇夜歸戎操築朝治垣微此一日
歡苦辛良可憐中觴感前謀撫運當泰年燔柴盛唐郡
泛舟縱江前臨川射長蛟雄風推八埏豎儒繆從役任
重力迺綿武功旣無成文德何由宣微勲儻有濟敢愧
魯仲連

雲松樓

初日高樓上卷幔對黃山黃山出霄漢爛漫發青蓮參
差非一狀朝夕看屢妍九華承雙鳥敬亭附駢筵漫漫
雲羃嶺沈沈松覆泉清飈坐中起如聞帝女絃靜有幽

御選元言 卷三
五
事樂動無塵慮牽消搖悅心目茲道可長年

楊平章崇德樓

重城控秋塞丹樓耀芳甸頽霞上氛氲蒼林下蔥蒨長
河城邊急積岨窗中見遠雁滅居延行雲歸鄯善大賢
謝卿相垂幃化鄉縣春蟲觸寶瑟餘花飄玉研方從董
園樂陋彼歌梁轉伊予去山澤寒齋秋草徧載覽登樓
篇益重臨淵羨

賦得琵琶峰送人降香龍虎山

瓊峰毓奇態高高出先天柄超琳闕迴盤影淥池圓別
檻標蒼樾回窗蓄紫煙淙流如度曲藤蔓似長絃肖像
生儀始希顏太古前雖無羅袖拂常映礪花妍子有靈

侯技能彈大道篇函香一臨眺天際意飄然

汪澤民

古詩二首

美人青雲端望之不得親贈我一端綺珍重同南金上
有連理枝間以雙飛禽裁衣以被服報之綠綺琴衣以
結綢繆琴以酬知音文采豈不貴尚網思自珍雖敝不
忍棄感子同一心

南山何崔嵬丁丁伐嘉木伐木將安施飾此輪與轂良
材莫自致棄置河水曲黨人偷且閒不獲有餘粟况無
獵較功大庖有餘肉彼美蓬廬士薇藿不滿腹飢渴豈
弗懷徒食乃所惡

雜興
陳肅

雜興

長安有高第云是金張家朱門映綠水弱柳啼春鴉曉
合列侯馬暮多名主車可憐歌舞月空照玉梁斜
驅車洛東北遙望首陽山昔有兩兄弟采薇於其間我
願從之遊孰云不可攀躊躇日將暮感此空忘還
妾住雕陰東君去漁陽北惟有別時草依依滿行迹不
忍行迹沒埽盡還更碧君情如妾意纏綿無終極

王翰

送別劉子中

執手寒江濱慷慨難為別豈無楊柳枝零亂不堪折鴻

雁西北來嗷嗷暖晴雪陽和忽已暮旅况轉淒切誰憐
蘇子卿天涯持漢節

途中

萬物皆有托我生獨無家蔓草野多露眇眇天之涯親
戚不在旁更與奴僕賒落日下長坂悲風卷驚沙林依
避猛虎郊行畏長蛇封狐逐野鼠跳踉當吾車村墟四
五聚索莫集昏鴉方投異鄉跡又悲遠城笳撫劍向夜
起中心鬱如麻微軀焉足惜天道良可嗟雲漢念乖阻
道路日已遐去去復何極為君惜年華

題菊

我憶故園時繞籬種佳菊交葉長青蔥餘英吐芳馥別

來二十載粲粲抱幽獨豈無桃李顏歲晚同草木及茲
覩餘芳使我淚盈掬離披已欲摧瀟灑猶在目雨露豈
所偏歲月不可復歸去來南山餐英坐空谷

龍山月夜飲酒分韻得樹字

薄暮清興嘉涼風集高樹須臾明月生清光在尊俎池
空河影涼石冷苔色古列坐當前墀杯行不煩舉野庖
具山蔬稚子薦雞黍晴峰餘靄收密竹殘露滑驚鵲翻
夜巢流螢墮前戶良時念睽離觸物感所寓坐待河影
流疎鐘繞林曙

陳謙

學士山懷古

枕湖列層岑蔥鬱聚雲族出郭纔三里方舟漸通麓曾
邀昔賢賞名勝皆可錄雙峰夾亭榭崇阜富杉竹我家
世結鄰數椽依古木懷欽索遺址半與松根伏碑缺篆
無存揣文須穆卜坡仙豈遂往或寓幽人屋據梧緬高
風秋陰吹肅肅

李祁

同孫彥能遊山菴

緣崖涉清泚披草得幽逕蕭條雙檜閒獨立一松勁入
門聽微鐘心垢一時淨向來飽干戈棟宇兀偏正空庭
鳥雀喧壞壁龍虎暝徒能起咨嗟無復聳觀敬三歎復
出門乾坤幾時定

一鏡亭夜坐

靜夜臨深池蕭條不成寐蟾光上下浮清飈左右至潛
魚既息波幽鳥亦斂翅仰視河漢明悠然發深喟

陳基

秋懷

寒暑有代謝人事亦推移蹉跎慨疇昔俯仰念復茲籬
落委秋蔓餘葩含夕姿物化諒難窮吾生知有涯皎皎
碧山侶依依青桂枝相逢恐遲暮悵望起遐思
秋夜何迢迢迢迢不能寐起坐彈孤琴寫此千古意鳴
鳳久寂寥猗蘭亦顛顛往聖既莫作後賢孰當繼獨憐
商山翁去去復遐逝空谷亦何有紫芝聊可餌如何末

路中亦隨留侯計羽翼儻不成鴻鵠將垂翅苟可利生
民寧辭暫紆轡區區後世名於翁胡足記

羣動夜已息秋聲適何從仰視天宇高微雲浩無蹤明
月在庭戶河漢上橫從既莫知所始何由究其終我獨
弦我琴微風入疎桐寫作清商調感激意無窮

昨日苦炎暑端居厭煩渴手短河漢高井深轆轤折此
夕秋已清一洗塵世熱紈扇委深笥輕羅換疎葛天運
無停機人生自悲悅急景一以遷流芳遂衰歇洞庭生
微波明河湛初月落葉辭故枝驚鴻亦飄忽為謝同心
友胡為久離別

我有一樽酒獨飲不成歡豈無骨肉親悠悠隔河山亦

有平生友合并良獨難古人千載上世遠不能攀何如
與明月徘徊松桂間月既知愛我流輝照衰顏我亦知
愛月託心同歲寒長願玉宇淨河漢生微瀾四海仰餘
照親友各平安夜夜見明月人人無苦艱此月不可負
此樽不可乾天地等逆旅流年劇驚湍古人雖云遠其
言若芝蘭舉觴以和之對月更盤桓

大江

夏后道九川江源起西極想當疏鑿際毫髮無遺力奔
流赴東海吐納潮與汐萬古天塹雄洶湧限南北時秋
八月望煙霧四開闢皓月麗中天華星列東壁俯擊亂
流檝仰送搏風翮眼空牛渚舟氣傲南樓席平生臨深

戒所至每兢惕此夕獨踈狂四顧無與敵風伯引輕帆
百怪皆辟易前瞻狼五山亭亭倚秋碧

如臯縣

曉行過如臯草露淒已白井邑無人煙原野有秋色緇
褐兩三人牢落徒四壁似訝官軍至拱立衢路側伊昔
淮海陬土俗勤稼穡溷瀟盡桑麻閭閻皆貨殖及茲值
兵燹道路分荆棘十室九逃亡一顧三歎息主師重拯
亂主將加隱惻戒吏翦蒿萊分曹理鹽筴眷眷恤瘡痍
遲遲歷阡陌上天合助順九土期載闢白首忝戎行臨
風增感激

令丁鎮

水路轉下樂遠赴令丁鎮落日淡平蕪荒邨帶寒燐平
時富魚稻稅薄民不困蓮芡亦時豐足以禦饑饉江湖
歲或艱老弱行蠢蠢相攜就淮食不得辭遠近四野今
盡荒百畝無一墾鞠為鳧雁區無復限封畛師行輜重
隨士飽筋力奮經費固有常變通亦宜論吾聞古賢將
羊陸開吳晉食足邊備多高標邈千仞

聽歌水調有感

江流清復清江草接江亭何人歌水調餘韻入青冥歌
者不知苦聽者有餘情坐令離別客白髮鏡中生

塘西

牽舟復搖櫓日出還亭午風遞五林秋雲挾塘西雨盈

盈採蓮槳坎坎迎神鼓對此欲忘歸停橈更容與

鳳口

溪塢晚舍風山營夜依谷棲鳥息復驚歸雲斷還續畫
舸止宵征連艦銜尾宿戍鼓雜鳴笳秋聲一何肅

東塘

輕舟下溪口却轉東塘路雞犬近相聞漁樵遠城戍雖
經喪亂後漸有承平趣處處白蘋花家家紅槿樹

龍橋婦

婉孌龍橋婦空閨何惻惻夫婿弱冠餘南征死鋒鏑但
見鄰人歸不知夫蹤跡委身奉舅姑誓志如金石朝采
陌上桑暮向窗間織織成錦回文無處寄消息織成雙

御選元言 卷三
鴛鴦無復合歡夕何如織縑素裁翦信刀尺爲舅作衣裳爲姑易飲食

夏夜懷李尚志

蟋蟀已在壁煩暑猶未歇離居感時序憂端難斷絕綠樹含微風明河湛初月念子行未歸徘徊至明發

聽寧上人彈琴

忽忽歲將晏鬱鬱不自聊况茲霜露集驚飈振寒條之子從何來攜琴過衡茅爲我理素曲五音紛以調莊聽斂手衽幽憂爲之消鸞鳳戲雲中餘音相與飄別鶴警宵露衆葩悅春朝婉麗不可極忽復變蕭寥清風散六合白日耀層霄流水一何深泰山一何高聘魯慨觀樂

適齊感聞韶疇知今日樂俛仰千載遙寤言欲報之愧乏英瓊瑶

雲文閣爲鄒伯常賦

公子愛脩潔宴坐焚椒蘭朱火生青煙網緼升博山香雲成五色佳麗不可殫忽然爲芝蓋輪囷殊未闌輕風散紛郁流芳花竹間曲戶春窻窳綺疏日闌珊霏霏縈舞袖歡樂有餘閒

待王子充未至

屏跡遠城闕幽棲向林阿永懷同心友褰衣起婆娑憶昨走京邑彌年阻關河結客燕趙間頗覺增悲歌逸驥謝羈紲冥鴻辭網羅所念聖哲遠中心良匪他夏屋蔭

嘉木芳池發新荷須君此弭節日夕共委蛇

饒介

送秦文仲博士還三沙

東望大瀛海影落扶桑弓三洲直如矢正射三山中三
山負曉日曉日波浪紅仙人不騎鶴所適多御風秦君
家三洲長與仙人通即之不可見忽爾能相面翩翩頭
上巾舉舉塵中扇高談清潄暑知子不貧賤閒居寡良
儔有酒不自薦此日亦足醉況得邦之彥小醉須解醒
大醉不用醒平生慎許可祇有一劉伶太湖三萬頃七
十二峰青頗貽山水秀閉門脩酒經白雲生硯石疎雨
灑窗櫺子上三洲去手杯猶未停

張憲

汎舟黃顙湖望梅山

汎舟黃顙湖望見梅仙山嵯峩結寶髻晶森浮銀灣長
風蕩青蘋雪浪相飛翻魚龍現怪誕水怒山自閒詎知
神靈意杳在虛無間緬思學仙尉一去何時還幽姿不
可見高風邈難攀落日動簫鼓把酒酬潺湲

臨安道中先寄賽景初

朝入臨安山暮上由拳嶺周道無行蹤晴空斷飛影嚴
關固高柵疊嶂列危屏荒坳斜日淡虛市野煙冷息肩
坐茂樹瞑目發深省何庸馬蹄塵兵鋒迭馳騁

我有二首

御選元言 卷三
我有駢角弓百步能破的力强不受檠材美陋越棘時
能斃飛將萬騎莫敢逼翻翻鐵絲箭剡剡金瓜鎗鼓寒
霜氣重應手響霹靂豈惟射渠魁眼中已無敵雄哉兩
橐鞬儼若左右翼時來亦大用不偶直暫塞我弓雖少
置未許楚人得

我有雁翎刀寒光耀冰雪神鋒三尺强落手斷金鐵在
昔臨元戎志在除草竊怒來死不顧決背肝膽裂老蛟
遶腰臥夜枕寒泉冽維時誠汝賴豈忍時暫輟中途偶
棄置竟踐秋扇轍塵埋土花暗繡澀神氣滅思之終永
傷默坐慘不悅敢忘漢宣詔不負呂虔說金風吹秋郊
賊馬政侵軼又當攜汝去舊義未遽絕莫瑩鷓鴣膏恐

污荆卿血

席上

彼美瑤林姬綠雲何盤盤清歌珠落斗妙舞玉成團風
急酒暈薄月斜花露寒翦燈續殘醉把袂接餘歡雖非
長夜飲猶勝萬錢餐

汶陽道中

汶水東入海疾流無已時可憐齊與魯荒草秋離離日
澹野水黃風高木葉飛繫舟閒弔古不覺淚霑衣

任城道中

客行魯橋道路出毒山驛驅車上峻坂歇馬道傍石雨
來松樹暗風起荷葉白一笑歎浮生胡為倦行役

陳秀民

灤陽道中

晨出建德門暮宿居庸關風鳴何蕭蕭月出何團團短
轅駐空野悲笳生夕寒我本吳越人二年客幽燕幽燕
非我鄉而復適烏桓前登桑乾嶺西望太行山太行何
盤盤欲往愁險艱寓形天壤間忽如水上船役役何所
求吾將返林泉

燕京客舍送友歸天台

雁鳴沙漠風秋入燕陵樹客子衣裳單寧不畏霜露驅
車國東門迢迢懷往路尺壁橫道周誰能一回顧登山
豺虎雄入海鯨鯢怒天台隔三江丹霞夾元霧黃精或

可尋胡麻庶當遇明時有遺佚歸哉保貞素我馬病已
久東西厭馳騫逸駕如可攀吾將執其御

劉仁本

續蘭亭會補參軍劉密詩

并序

庚子春仁本治師會稽之餘姚乃相龍泉之左麓
州署之後山得神禹祕圖之處水出巖罅瀦為方
沼疏為流泉卉木叢茂行列紫薇間以竹篁彷彿
乎蘭亭景狀因作雩詠亭以表之合甌越來會之
士得四十二人同脩禊事取晉人蘭亭會圖詩缺
不足者各占其次補四五言各一首因曰續蘭亭
會云

後選元言 卷三
陽春沐膏澤草木生微暄靈圖發幽祕感此禹迹存衣
冠繼芳集臨流引清樽性情聊自適理亂復奚言

述言

膠柱難鼓瑟甚者當解絃造車不合轍出門行莫前絃
更紊古調車徒反舊轅姚虞世既遠雅奏不復宣姬公
指南作矩度誰能傳
經營百尺構掄材須豫章驅馳萬里道駕馭必乘黃君
看樗櫟姿擁腫誠匪良駑駘但芻秣不可以服箱工師
與徒御取舍當審將

楊維禎

送客洞庭西

送客洞庭西雷堆青兩兩陳殿出空明吳城連蒼莽春
隨湖色深風將潮聲長楊柳讀書堂芙蓉采菱漿懷人
故未休望望欲成往

淵明撫松圖

孤松手自植保此貞且固微微歲寒心孰樂我遲暮留
侯報韓仇還尋赤松去後生同一心成敗顧隨遇歸來
撫孤松猶是晉時樹

題繆生佚寫林塘圖和倪元鎮韻

清流帶古郭中有射鴨堂苔衣畫壁澗石臺花雨香之
子弄孤翰相見竹梧蒼思幽天機發慮清塵夢忘會須
琴堂夜共宿破山房

芝雲堂分韻得對字

窮冬積繁陰快雨不破塊問途玉山下繫船桃溪滙主人聞客來把酒欣相徠窈窕雙歌聲嬋娟兩眉黛談笑方云云妍媸各成態憶昔獻策時日炯重瞳對下馬宴瓊林宮花出西內俯仰三十年同袍幾人在明當理行舟天遠征鴻背那能事煩劇曉出星猶戴行當謝冠冕歸荷山陽耒

覽古

單父七絃琴為治務感興十金南門木立令務必行單父有成言夜漁若嚴刑南門能徙木不能徙民情以此知巧信不如拙而誠

齊相善求治議論人人殊蓋翁本黃老一語蓋有餘諸儒不足聽醉吏自足呼醉吏獄不擾諸儒多詐狙子陵江海客本非沮溺倫仁義立奇論豈果忘吾民狂奴作故態飄然歸富春客星犯帝座太史奏天文故人信符讖三公等浮雲

襄陽有高士生產不曾治何以遺妻子鹿門有深期籍籍齒牙論龍鳳名諸兒諸葛拜牀下可是圯橋師會稽嵇叔夜才氣浩不羣平生癖於鍛餘好在琴尊不如一長嘯攜琴學蘇門可憐廣陵散奇弄今無聞彈琴戴安道焦桐破奇聲蔚宗與文季俱以琴自鳴天子不得屈王公不能聆獨憐褚司徒銀柱老齊伶

我愛王懷祖面壁售人罵不比少掾時瞋目荅米價褊
中頓有容坦之詎能過桓桓大將軍漢業在出跨
青青五柳宅貧無三徑資去參建威幕為貧良亦非彭
澤八十日胡為遽來歸乃知決然逝非為鄉里兒首惡
王休元酒亦無所辭華軒欲載我我心詎能違

錢惟善

對月酌酒

對月不飲酒何以陶吾生明輝散空白照我千載情冷
然輒忘寐但覺風露清寒蛩雜羣籟天地皆秋聲流光
不可駐長江終夜鳴酒盡月欲墮浩歌倚曾城

早起

披衣起危坐心清聞曉鐘流光入窗白月澹西南峰遊
魚躍風藻幽禽翻水松青山如膏沐遠樹煙為容舟人
與漁子菰蒲深處逢

張昱

上巳日杭州府學教授徐一夔四齋訓導拉遊
智果寺訪東坡題參寥泉

佳遊在上巳屬此清明前春景已云晏風光猶未暄往
尋智果寺竟得參寥泉雲物豈殊昔人世自更遷邈哉
長公詠高吟憶當年我輩復登臨花界何因緣古佛儼
香閣真詮積華軒境超萬念空道勝諸妄捐緬懷此會
難徘徊未云還申章續芳藻冀或來者傳

妙高院大方屋上人

碧岑日在望雨雪阻登臨二客從事者扶藜長松陰綠
雲及上方步履皆黃金佛香出寶閣一息契初心心如
白蓮花塵垢何由侵攢眉入社後此會還可尋廬山得
遠公法侶滿東林虎溪偶然事傳笑直至今我輩仍避
俗屋師誠可欽

舟行即事

舟行如虛空上下天光裏中宵撤前幔繁星在清泚天
河橫未落北斗當面指涼風波上來吹皺青天綺蘆洲
集夜禽聒聒鳴不已惡聲雖擾眠清景則可喜却思車
馬塵此時動城市

王逢

復如乾封晚經漁浦

窮曠經漁浦寒水白于練總總星東出獵獵風北轉眼
中獸蹄過笛裏魚狀變稍聞刁斗應漸喜煙火見誰家
長林根繫艇沙渚面天含瀟湘思山錯吳越甸承平謝
憂患少壯忘羈賤瓜橋往未遑雲源訪殊便明涉子陵
灘桂酒同一奠

望江郎石

仲春天氣佳萬象欣改色我行六峯外遙見江郎石二
儀闢混沌牽牛委晶魄鼎列台輔姿玉蘊珪璋德三神
浮瀛海噴薄東一極鉅鼇因戴之仙宮晃金碧斯連厚

坤軸乃棄姑笈域直上青蓮花或墮樵舍側安知非異境自與三神敵于時攬深秀雲霧忽巾綈微風稍飄飄空翠疑亂滴雜英敷陽豔嘉木生午寂交交黃鳥音好在千丈壁二年思晤對百里今咫尺煙波動落照道路陰已夕尚戀女媧功躊躇望西北

送楊子明知事從觀孫元帥分制沿江州郡

寒日動大江鞍馬散滄洲漚光滅沒外迴見冰梁浮壯士無人色旗羽風颺颺楊君志弧矢笑被黑貂裘祭軼千仞岡掉鞅萬斛舟先聲掠淮甸遙制三邊州元帥統將權言責在軍謀一言關興喪跬步分陽秋天地屬閉塞波伏蛟龍湫孤煙起天際薄暮青轉幽百里靜雞犬

豈但窮兵由雪貿薺麥生猶聞鑄戈矛頻年竭土壤經時委川溝行其所無事彫瘵或少瘳耀德不觀兵當今第一籌君昔甚惻隱曲宥千俘囚歸裝輕于葉廉價重琳球敝邑蒙薦臨多暇獲讌遊鳳凰巢阿閣黃鵠宜遠投菜竹霜實繁知止疇與侔蘆根短刺水鷺斯空啾啾顧予麋鹿姿蓬藿翳林丘行藏任本性道義期加脩

夜坐

落日秋氣昏回溪夜噴薄幽花欹露榭孤螢墮風閣沖襟謝煩歎廣篔生離索躡履望明河南天正飛鵲

游鯉山

鄉山三十三游鯉奠郊南巖然獨高大秀掩東諸嵐土

御選元言 卷三
剛蓄炎精崖仄削劒鐔我嘗挹飛翠遠在滄江潭波濤
與伏興雲霧相吐含恍然穆王駕八駿左右驂又如琴
高仙脚踏朝蔚藍久思更徽號新喜遂幽探太白賦九
華後來成美談狂歌繼其武林間免愧慚春風綠瑤草
秋霜紅石楠行將脩月斤為鑿避世龕蛟龍正格鬪鯤
化誰其堪

趙善長山水

畫師今趙原東吳諒無雙寸毫九鼎重烏獲力靡扛翠
樹擁羽旂深崦敞雲窗參差見壘笋不無酒盈缸老山
石黃色插脚琉璃江隱若赤壁壘勢壓曹魏邦何當柔
猛虎蛟鱷遂我降欠伸列仙崖嚏咳漁蠻砉

戴良

詠懷三首

錄一首

少小秉微尚游心在六經苒苒歲年遲乃與塵事冥入
秋多佳日何以陶我情園蔬青可摘新穀亦旣升命室
釀美酒一壺聊復傾兒女在我側親戚還合并終觴無
雜言但說歲功成至樂固如此是外徒營營

和沈休文雙溪八詠

登臺望秋月秋月光陸離
映西南樓徘徊東北墀凝
華奪班扇流輝鑒阮帷
三五暈尚圓二八形已虧
爰有蓬鬢人長懷桂殿思
遼城記吟詠西園憶追隨
願以薄暮景承君清夜暉

御選元言 卷三
會圃臨春風春風弄新陽驅煙入閒戶卷霧出虛堂響
谷鳥將韻穿林花度香透迤動中閨駘蕩經洞房逐舞
輕靡衰傳歌低繞梁所悲金玉軀遂爍佳麗場時拂孤
鸞鏡星鬢視飄揚

秋至愍衰草衰草遍平陸方晨露染黃入夜風銷綠別
葉有歸聲故蕊無留馥勁莖坐自摧寒叢竦如束彼物
既如斯我年寧不促已失早生榮敢冀晚彫福何當即
去茲縱浪從所欲

寒來悲落桐桐生在長林積葉既阿那攢條復蕭森排
雲正孤立乘風忽哀吟朽壤方有託急霰非所任輪囷
龍門側憔悴嶧山岑不求削成圭何待裁作琴菲薄既

非材固無斤斧侵

夕行聞夜鶴鶴鳴向天池奇聲傳月迴清思逐風悲寥
寥度霄漢噉噉傷別離華亭侶既失衛軒寵亦衰衛軒
非我顧華亭尚余思蟋蟀悟寒候商羊識陰期不有慕
類心此情那得知

晨征聽曉鴻鴻飛何處所隨陽弱水岸違寒長沙渚冥
冥憶霜羣邕邕叫雲侶固將聯匹儔豈惟念羈旅視夜
已昭晰度聲尚淒楚以之頻感觸將何慰艱阻帛書望
不來誰知我心苦

解佩去朝市朝市路已迷敢冀恩私被但嫌朋好睽彼
讒起青蠅我行玷白圭寸心幸能亮微命不終乖及今

徐運元言 卷三
去青瑣何日瞻泰階荒服固云忝是道諒亦迷安得同
志士三歎寫余懷

被褐守山東山東古於越州城冒陁峴嵐氣屢興沒剖
竹曰有行思君不能發指塗期闌暑下車已涼月汲黯
薄淮揚子牟戀魏闕豈伊念川塗固亦悲朝列日月儻
垂照猶堪慰寂蔑

築新居

挈杖去中林卜宅江之邊江邊多故廬改築架斯椽左
右皆廢墟南北盡頽垣昔人固不留遺跡尚依然因之
悟物理盛衰恒遞遷世既異市朝海亦變桑田古來皆
有是念此一長歎何以慰我懷斗酒傾前軒百世非所

知聊且樂當年

還舊居

自我遠行遊故廬今始歸如何廿載間舊事都已非曳
杖過比鄰相呼尋故知不見垂白翁但見初長兒我園
既稍葺我田亦就治種秫釀美酒拾薪煮豆糜一笑集
親朋相從說睽離以之感疇昔俛仰多所悲人生一世
中所憂渴與飢力耕給其用此外更何思便當息我駕
皓首以爲期

憶胡仲申

點點階上苔鮮鮮爲誰碧已別舊年人空餘舊年色我
行東齋外對之還爾惜所思雖久違猶有往來迹

城東會飲送王天錫

陰崖斂暝霏霜陸耀晴晈蕭蕭落木多
緜緜衰草遍開冬感徂物列飲會羣
彦美醕溢流霞妍談粲餘絢時髦
非我匹清尊豈余戀行矣送將歸
悵焉罷歡宴引領阻雲從搔首歎
蓬轉

題愛柏軒

瑟瑟涼野風竦竦寒城木風勁木亦然
受命一何獨歲物已淪傷高標誰賞
錄偶荷主人恩開軒向城曲老枝
扶戶吟密葉停窗綠遂忘孤生悲行
享後凋福有客正迷方振衣時躑躅
願為柏上枝託蔭歸君屋

同子充濬仲遊北山夜宿覺慈院

窮年厭喧囂今晨愜游行豈伊清曠
懷直為朋知展指塗陽已外入谷光
未顯涉流旣百折尋山亦千轉停策
樹頻倚攀林芳屢蹇路夷始出幽山
暝復凌緬佛廬旣棲薄僧榻聊息偃
地僻心自怡俗遠慮乃遣明發有佳
趣勝處將歷踐

贈別祝彥明

悵望臨荒蹊驅馳騁遐步江紆練月
初山標綵霞暮天長路易迷水深舟
難渡征人去不息倦僕立相顧此時
悲送君安能髮不素

對雨金達可送酒至

星躔離夜月桂渚發朝雷族雲起泉
室零雨下陽臺飄

徐選元言 卷三
檐方似霧集地復如埃空濛迷野鶩露灑滑階苔旅人
乏愉悅孤館獨徘徊久缺清酤至忽值白衣來豈不欲
為酌因君停玉杯

徐叔度遺紈扇

團團七華扇名在制久缺感君裂紈素與蒙却煩喝入
手訝如珪映容疑學月翫之炎氣消握之微風發却願
暑長在無使君暫歇

次韻宿西山

旦擢東湖溼暝策西山麓林光漏月清水影漾天綠初
風革故和窮律轉新肅悲來攢人懷山房不成宿

治圃四首 錄二首

三春豐雨澤晨興觀我畦嘉蔬有餘滋草盛相與齊勅
力治荒穢指景光已西好月因時來歸路杳然迷暮鳥
尋舊林晚獸遵故蹊我亦息微勞去去安吾棲

長夏罕人事齋居有餘閒北窗多悴物且遂灌吾園攢
根旣舒達積葉亦蔥芊瓜瓞繞畦長新葵應節鮮抱甕
一回視生意盈化先在我豈不勞即境多所歡悠悠千
載間樊生信為賢

游吳山承天觀

石徑趨巍宮雲甍倚層壁昔聞帝子游今見羽人宅鱗
居庭際擁蜃閣窗外闢複嶺曲且盤喬林隱復直路縈
賞心侶谷館咀芝客旣近已欣覲撫遠亦驚覲離離越

御選元言 卷三
樹青渺渺海門白乘風遲來潮倚月候歸汐徘徊憶天
險俯仰誇地德于時將指使暫此盪塵臆豈無犬馬情
終負煙霞癖何當解朝組相從隱仙籍

抵富陽宿縣治作

戾戾風蕩波鱗鱗雲出峒乘輶臨安道指景富春郭是
節春已暮遙塗寒尚薄升陽對人掩傾潤灑衣落解鞍
憩危嶺倚劒望幽壑飢禽聲固慘哮虎勢尤惡旣暝入
公署息念坐塵閣俯思還浦魚仰憶迴風鶴以之念鄉
縣臨觴不能酌

游東湖

漾舟疑港斷進帆喜湖廣境麗趣非一路迷心已往雲

峰互稠沓煙波紛滉瀆梵宇浮鏡入琳宮躡屏上浪起
孤嶼沈水落衆山長隱隱草畔堤悠悠蘆際榜幽懷自
此多客情復誰獎身固脫虞穿心猶寄塵網安得超世
姿來縱山泉賞

游大慈山

水行境謂盡陸出路旋通乃即蒼松徑步入青蓮宮連
嶂旣崱嶭密林亦蔥蘢地涉清淨界身游紫翠重臨流
翫廣洎企石眺奇峯寒鏡湛秋夕碧玉劃晴空蘭若與
年峻象筵緣教崇謁祠慨卿相尋僧叩禪宗契理已無
像觀念豈有窮願絕區中緣永依塵外蹤嗒然遺身世
年齊天地終

贈別汪定海二首 錄一首

故人忽已別兀兀吾何適莫投甬東路不見往來迹古
寺靜脩廊空齋冷虛僻獨有階上苔猶如舊時碧

龜毛廬

倦游去朝市委懷在田園既悟執戟疲益知荷蓀賢夙
晨飯牛出夕曛負耒還春作固云力秋斂未盈廛求贏
豈其願拙業乃所安不見龜上毛成羶亦良難

對春雪寄梧竹翁

常時寒已收今茲陰尚結惜此豔陽天盡付蕭騷雪穿
花適自亂雜雨詎成潔獨有灞橋人詩思益清絕
舟次高錢遲孔昭不至詩以速之

屢約湖曲游良辰輒蹉跎及今風雨夕一葦凌寒波遙
遙度墟里靡靡轉坡陀暫息泉上樓倚闌頻嘯歌此時
知心友愆期在山阿儔侶俟之久不至復如何

湖上對雨有懷天淵老禪

空濛暗遙甸浙瀝響高樹乍縈林表來復灑重湖去瀟
瀟孤興發望望寒川暮念與道人期雲深不知處

顧瑛

玉山佳處以愛汝玉山草堂靜分韻得靜字

蘭風蕩叢薄高宇日色靜林迴汎春聲簾疎散清影褰
裳石蘿古濯纓水花冷於焉奉華觴聊以娛晝永
以丹桂五枝芳分韻得五字

南州孟秋月維日二十五迴風吹層霄飛雲過疎雨客
從金華來款曲置樽俎況有匡廬仙貌古心亦古襟期
事蕭散笑傲忘賓主哀絃發秦聲修眉善胡舞秋輝能
娛人夜色滿庭戶脩脩風葉鳴泫泫露花吐春波杯中
月不照墳上土緬懷琦龍門扁舟下南浦

以夜闌更秉燭相對如夢寐分韻得夢字

涼風振林木惻惻初寒動肅客桃花源張筵鳴玉洞落
日照金樽飛雪樓畫棟談元味妙理謔笑雜微諷取琴
雪巢彈共聽金石弄嘉會固難并聚散恍春夢明發大
江舟天闊孤鴻送

余與楊君鐵崖別兩年矣庚寅嘉平之朔君自

淞泖過余溪上適永嘉曹新民自武林至相與
飲酒芝雲堂明日鐵崖將赴任曹君亦有茂異
之舉同往武林信歡會之甚難而分攜之獨易
安可不痛飲盡興以洗此憤憤之懷因以對酒
當歌為韻賦詩如左于匡廬屬瑛序數語為識
江空暮雲合歲晚雪霰多佳人美無度嚴裝徑相過夜
宴芝雲館明發玉山阿繁聲落虛溜急袖翻迴波客有
子曹子調笑春風歌歌終易離別別去愁蹉跎相思梅
花發不飲當如何

以滿城風雨近重陽分韻得滿字

西風吹長江舟楫幾欲斷仙人遠方來羽服自蕭散頗

言官軍中殺賊盡左袒時艱會面難取醉那容緩菊開
重陽花對酒莫辭滿賡歌雜絲竹言笑亦侃侃月明梧
竹閒夜色良可款

以紅藥當堦翻分韻得翻字

靈雨沐霽景初暎散朝暄林鶯哢餘春砌藥開當軒泣
妝露泥泥舞袂風翻翻流光不我邁久懷遲君論于以
樂樽壘于焉傾笑言

遊天池

縈紆白雲路窈窕青山聯秋風吹客衣逸興良翩翩捫
蘿度絕壁躡磴窮層巔崖傾石欲落樹斷雲復連兩峰
齟牙門中谷何廓然大山屹堂堂直欲摩青天小山亦

磊落飛來隨其前陰陰積古鐵粲粲開青蓮神斧削翠
骨天沼涵靈泉玉龍抱寒鏡倒影清秋懸憶昔張貞居
寄我琳琅篇逝者不可作新詩徒為傳舉酒酌白日萬
壑生淒煙幽歡苦未足落景忽已遷美人何不來山水
空清妍

顧元臣

芝雲堂分韻

今日新雨霽山光靜如沐晚香浮水花秋聲在庭竹高
堂張綺席談笑皆雍穆興酣雜觥籌詩成粲珠玉清時
多遺才白駒在空谷今者不為樂逝者良不復嗚嗚咽
洞簫裊裊度清曲更待月明生金尊照醺醖

顧晉

以愛汝玉山草堂靜分韻得草字

客從桃源遊愛此玉山好清文引佳酌元覽窮幽討流

鶯苔新歌飛花落纖縞分坐有雜英醉眠無芳草

御選元詩卷第二十一

隱士與幽人
昔在東山時
未及登景
入山不來
山水
香丹
與
靈泉
玉
蕭
寒
陰
回
湯
素
林
緜
郭
昔
來
山
風
露
蒼
飛
來
翻
其
前
飈
飈
對
古
壘
紫
梁
開
青
苔
軒
空
山
翠

御選元詩卷第二十二目錄

五言古詩十一

倪瓚二十三首

郊韶五首

姚文奐三首

呂誠二首

周砥十一首

張簡五首

李瓚二首

李元珪二首

高晉一首

岳榆一首

彭深一首

袁曷一首

唐元二首

顧達四首

陸仁一首

舒頔七首

周霆震三首

吳海三首

楊翮三首

張端五首

御選元詩 卷三 目錄

朱希晦一首

甘復七首

留睿一首

余詮一首

周南老一首

董佐才一首

華幼武二首

葉顥九首

郭鈺四首

劉永之十七首

御選

御

〇五言

華陽六首

華陽六首

華陽六首

華陽六首

華陽六首

華陽六首

華陽六首

華陽六首

御選元詩卷第二十二

五言古詩十一

倪瓚

春日雲林齋居

池泉春漲深徑苔夕陰滿
諷詠紫霞篇馳情華陽館
晴嵐拂書幌飛花浮茗盃
堦下松粉黃窗間雲氣暖
石梁蘿蔦垂翳翳行踪斷
非與世相違冥棲久忘返

雨中寄孟集

英英西山雲翳翳終日雨
清池散圓文空林絕行履
野性夙所賦好懷誰共語
燒香對長松相與成賓主

聽袁子方彈琴

蕙帳凝夕清高堂流月明芳琴發綺席列坐散繁纓迴
翔別鶴意縹緲孤鸞鳴一寫冰霜操掩抑寄餘情

贈天寧福上人

荆溪霜落後銅官日出初自櫛頭上髮更理篋中書上
人從定起詠言方繞除邂逅發微笑幻身同太虛

奉謝張天民先生

鳴雁將北歸裴回舊棲處江湖春水多欲去仍回顧稻
梁豈余謀矰繳非所慮猶為氣機使暄冷逐來去寥寥
天宇寬彼此同一寓風萍無定踪易散聊為聚君看網
中魚在疚猶相煦

蕭閒館夜坐

隱几忽不寐竹露下泠泠青燈淡斜月薄帷張寒廳躁
煩息中動希靜無外聆窅然元虛際詎知有身形

雙寺精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露草晨
興面流水西望吳門道不知人事劇但見青山好

述懷

讀書衡茅下秋深黃葉多原上見遠山被褐起行歌依
依墟里間農叟荷蓀過華林散清月寒水澹無波遐哉
棲遁情身外豈有他人人生行樂耳富貴將如何

丙子歲十月八日夜泊閩門將還溪上有懷友
仁陸徵君

明發辭吳會移舟夜淹泊空宇垂繁星微雲暝前郭沉
沉抱冲素悄悄傷離索歸埽松徑苔遲君踐幽約

戊寅十二月丹丘柯博士過林下賦詩次韻酬

荅

積雪被長坂卧痾守中林山川雖云阻舟楫肯見尋傾
蓋何必舊相知亦已深驚風飄枯條清池冒重陰聯翩
雙黃鵠飛鳴綠水潯顧望思鬱紆衰回發悲吟願言齊
羽翼金石固其心歡樂何由替黃髮期滿簪

送馬生

送子淮南行繫舟江岸柳翠影舞晴煙落我杯中酒舉
杯向落日春水浮天碧時見白鷗飛雪光翻綺席應笑

披羊裘獨釣江邊石

寄李隱者

南汀新月色照見水中蘋便欲乘清影緣源訪隱淪君
住鈿山湖綠酒松花春夢披寒雪去疑是剡溪濱

題畫贈岳道士

義興岳道士野鶴如長身我知彌明徒不是侯喜倫結
喉吟肩聳鐵脊霜髯新手中石碁子頭上漉酒巾久居
離墨山自謂無懷民喪亂不經意松陵留十旬香雲作
輿衛長松為主賓既滋數畦菊復種二畝芹樂哉以忘
死道富寧憂貧為我具舟楫相期桃花春

對酒

從遺元言 卷三
題詩石壁上把酒長松間遠水白雲度晴天孤鶴還虛
亭映苔竹聊此息躋攀坐久日已夕春鳥聲關關
尋友人不遇

洲渚多落英沂流尋遠山輕舟載美酒搖蕩綠波間俯
詠拾瑤草遐思隘塵寰夤緣忽失遇悵望遂空還

池蓮詠

迴翔波間風的歷葉上露清池結素彩華月映微步雲
陰花房斂雨歇芳氣度欲去拾明璫踟躕惜遲暮

徐氏南園對雨

櫻桃花欲落風雨暮淒迷忽憶郊園日竹林通磻西弱
蔓滋野援蘭葉長芳畦念我當時友蒿萊沒舊蹊

題畫贈九成

故人郊掾史邀我宿溪船把酒風雨至論詩煙渚前晨
興就清盥思逸愛春天復遇武陵守共尋花滿川

早春對雨寄懷張外史

林卧苦泥雨憂來不可絕掀帷望天際春風吹木末飛
蘿散成霧細草綠如髮念子獨高世南山脩隱訣撫弄
無絃琴招邀青天月神安形不凋跡高行自潔思之不
可見飢渴何由歇願為鸞鵠翔南游拂松雪

送甘允從北上

翔鴻縱高姿流水去不息枉道別友生揚舲望京國婉
變前途憩蕭條餘景匿神京衣冠會左右金張宅驅馬

流星繁垂軒春霧集嘉子玉質朗早通金閨籍行逢明
主顧入補詞臣職束帶向晨趨陪讌終日昃芳年易為
晚所願崇令德英英白雲飛渺渺青山隔秋風應節起
萬里思親客遲子返舊居銜杯數相覲

秋夜

空林溥露氣疎鐘時獨聞清夜息羣動高居無俗氛恬
淡誠吾事榮名非所欣樂哉詠王風忘年棲白雲

十七日過與之洛澗山莊留宿復大雪作及明

起視戶外巖岫如玉琢削竹樹壓倒徑無行蹤

飄瞥竟日至暮未已雪深尺餘賦詩留別

世途縈荏苒歲晏不如歸密雪竹林夜挑燈共掩扉稍

移神慮靜高詠元言微遇此巖中賞初心悵多違

送高太守之秦郵

秦漢置牧守猶古之侯伯封建而郡縣仁政固不易漢
宣知所本留意二千石慎哉高侯車願循古轍迹

郊韶

分韻得寐字

清江下斜日水落鴻雁至方舟蕩文猗葭茨新霜委峒
峒玉山岑溟溟薄雲氣沿洄入林塘池館翳幽邃羣公
欣盍簪稱觴有餘思人生當盛年感彼鴻鵠志擊節歌
慷慨厭厭夜忘寐

湖光山色樓

德選元言 卷三
茲樓俯吳甸百里見虞山雲歸飛鳥外帆落大江間河
源或可到星使幾時還因尋種桃者繫船清溪灣

玉山佳處分韻得玉字

逶迤玉山阿窈窕桃花谷林芳綴丹葩霞彩散晨旭溪
迴濯新錦洞幽苔鳴玉樂哉君子遊于以寄高躅

聽雪齋分韻得興字

玉山河逶迤積雪徧行徑池閣生漣漪林木發澄瑩於
時接芳筵遐眺復觴詠歌停花入檐笛奏魚出泳若人
多雅懷起舞屢清興言歸夜未央微月逗初暝

有懷玉山次沈自誠韻

亭亭古崑丘上有瓊樹枝仙人居其間服食忘神疲朝

馭羲和車夕詠金臺詩我嘗與之游中夜夢見之御風
周八極迴焉人世違青雲忽氤氲白鶴長鳴悲以茲嬰
世網一隨東海涯安得浮丘公挾舟候安期

姚文奐

玉山佳處分韻得汝字

仲春會桃源青年映霞舉道人吹鐵笛主者捉玉麈野
航晨不渡溪漁來何許欹坐蟠根陰匡廬故仙侶衆賓
各雅興辭適忘爾汝懷哉張李輩明月在空渚復念東
海迂雲林夜來雨

婁東園分韻得四字

至正八年夏六月日踰四故人海上來匆游若雲萃置

酒婁東園清陰障囂滓譚鋒落秋霜炎飈變涼思盤餐
雜蔬果令舉飛觴至豈無絲與竹相與樂文字西亭及
野航於焉得晚蒞新題到畫壁草木亦蔥翠浮生一萍
流懽會良未易載歌秋水篇周還緩歸轡

題倪元鎮雲林圖

昔從雲林游靈光散霞外迴薄萬古情逍遙五噫態臨
流以濯纓息陰為解帶浩歌激清商參參動天籟

呂誠

庚申夏四月登玉山頂時雅上人適遷華藏於
塔院歷覽終日而返是夕宿友人家燈前聞雨
援筆有感

曉出城西門蕩漾官河艇朝光散晴旭露氣擁高迴潮
上洲渚沒棹發六飛騁前岑獻奇狀心目快引領青山
如故人登陟在俄頃嗟哉二三子憐我足力逞捨舟入
蒼翠一逕林木靜陰蘚護危棧古藤落智井映帶列檜
杉青黃熟梅杏古師安禪處神物伏精猛山靈詭異工
幻蹟一掃屏孤塔劫灰餘傲兀立峰頂後巖古華藏稍
復毘盧境汎觀盛衰際何物得修永道人出迎客一笑
具羞茗清談竟終日毛骨灑然冷羣鳥亦知還微陽下
西嶺遄歸弗成寐張燈酌南癭急雨何方來清聲雜蛙
黽鄙言詎成章聊假管城穎

懷友

長夏夜景靜齋閣臨前池當簷素月流舉扇涼颼吹參
差丹棘花婀娜絲連枝玉人美無度耿耿勞我思

周砥

桃溪泛舟

放舟千山裏嵐氣滿晴川歌辭理白雪水禽棲綠煙蒼
蒼野陰變蕭蕭風景妍尋僧轉回塘望雲極遙天萬事
寧有素一行忻偶然

擬古

迢迢遠別離相去幾萬里月照魯陽關風吹漢江水宵
夢不可託路迷復中止登山還有屐涉水亦有舟我心
如懸旌搖搖獨無休常恐瑤華落春風不能留豈君弗

識察故此長悠悠安得白鸚鵡銜書東海頭

翡翠棲蘭苔鴛鴦上錦機物固各有類寸心獨何依春
色來幾日海燕忽雙飛迎風不須入塵滿青樓扉

春雪

璫葉綴元圃玉羽翔伊川翻靈九霄下呈芳二月前低
徊隔簾翠玲瓏入綺錢欲消不自駐已斷復成連珠幃
凝華潔花池舞影妍相思梁園暮曾賞雒城年

風雨用高季迪韻

貧富不相值衰榮固有時行哉徒自速止尼未為遲崎
嶇千萬塗辛苦豈要辭風雨羣雞鳴壞屋起晨炊一日
不解醉千古有遺悲如何屠釣人敢為帝者師

讀書

讀書易為感時節已徂秋行游固可適歲月懼不留高齋曠而寂人務罕相酬千載事了了寧不慕前修道在無今古天運每周流萬理由我具消搖極冥搜為樂不在茲況復儲怨尤予本楚狂士意氣邁九州偶然似有契持身寓林丘萬鍾非所辭一毫非所求

新柳

纔弄新春色已有縈愁意欲倚不成眠待扶還似醉疎雨飄枝濕暮雀銜花墜脈脈獨含情故園那得至

題倪雲林畫

雲木蔽清野峩嶷橫素秋一雨過大壑百川會新流未

能聞至道寧即歌遠游歲晏且歸去采芝南山幽

擬古

翠管鳴春暉瑤箏弄秋月孤鸞忽驚飛哀吟中夜發鄭衛久足貴正始誰復陳若無琴與瑟寧知古風淳

別君能幾時秋葉忽辭柯蟪蛄已在戶流螢亦渡河感物抱悵結容華恐蹉跎黃鵠飛青雲游魚潛綠波豈不懷契闊慰此離恨多明月照機杼不織鴛鴦羅

漢宮起秋風美人感團扇寒帷坐遙夜含愁獨長歎桃李笑白日垂楊拂青絲既受春風榮芳菲同一時苟欲令偏瘁造化庸可欺願君心如日照物無恩私

張簡

御選元言 卷三
春日齋居即事

垂簾覺春靜水檻幽情多
蘭香舞雙蝶淥漲浮羣鶩
皦晴雲度輝輝野氣和新柳
帶長坂飛花泛輕波閒居
違佳景芳菲俱凋訛忽忽已
初夏綠暗青山阿
初夏偶成

題趙彥徵畫

吳興佳山水遠近蓄清光
岩堯金蓋峰秀色獨蒼蒼
煙雲互出沒草木生風香
長橋接迴溪積石倚崇岡
樵漁

識徑幽於以樂深藏擊鮮列
魴鯉啟翳理松篁晨雨況
可鉏春泉亦堪湘旣已長子
孫所願安是鄉嗟哉風塵
中何由得尚羊趙君鍾祁
秀揮灑發奇章卷圖思舊游
掩抑不能忘

送王子充歸金華

春入長洲苑東風已及時
苑中垂楊樹吹作黃金絲
送君出春城艤舟折柔枝
以此聊贈遠相別仍相期
君歸金華山當逢牧羊兒
毋因入山去遂爾來遲遲
楊柳飛花日待君同賦詩

閱真誥

長史昔好道鍊真三秀峰
夜感紫薇仙降集華房中鸞

御選元言 卷三
鳥鳴素月翠旒颺閨風擣辭託諷寓讚揚皆真宗中有
餐霞人可以回嬰童刻之白玉檢藏之華陽宮真人有
仙氣乃得探其踪我生慕元素無由啟愚蒙嘯詠金玉
章靈音朗九空懷仙起冥想颯然精靈通焉能出囂滓
歟忽驂雲龍

李瓚

春夜懷豫章倪中愷并太原王本中二子皆客
京師故詩及之

耿耿春夜永迢迢更漏殘美人隔千里清月在江關舉
杯不能樂援琴孰為歡悵望五雲外目送雙飛翰王子
經緯學紬繹茫無端倪生富文史落筆迴狂瀾古劒沒

豐城太璞昧荆山奇材每不識萬古一長歎而我困畝
畝漂流吳楚間釜魚獨恒飢衣鶉每懷殫慷慨念二子
頻年事征鞍庶幾抱瑟心不愧齊門彈

江蒲送別

協風吹冰泮水色微茫綠沙融文禽集波暖白鷗浴之
子逝將別分手愁局促離觴一何頻征舸嗟去速今日
江蒲東明朝關山北棹歌不堪聞悽然淚盈掬

李元珪

春日訪雲林隱君倪元鎮

往歲慕幽隱茲晨適雲林倒屣荷主意下榻情何深取
琴為君彈唐虞有遺音感子曠達志滌我塵凡襟雨過

池草生窗虛松竹陰倚檻俯流水開軒聽鳴琴芳春集
嘉讌酒至還自斟愛客畏言別維舟睇遙岑

南昌諸郎立春次日邀飲江閣

置酒宴江閣濟濟皆郎官素心偶相愜氣味如芝蘭東
風奏微和晴雲靄林端美人歌白雪玉筯行春盤焉知
千里客共此一日歡夕陽下西麓徘徊更凭闌

高晉

碧梧翠竹堂分韻得草字

蘭堂俯清池虛楹麗華藻流雲度高梧書帶生春草嘉
賓式讌集幽懷為傾倒清歌一徘徊涼月翠屏小

岳榆

春暉樓分韻得藥字

張筵池上樓屬詠堦前藥翠雨帶煙濃紅雲倚風弱
張茲廣陵情慨彼溱洧謔媚景當一酬洗盞宜更酌

彭采

送丁好義

晨登吳王臺蒼然望八荒大江東南去浮雲西北翔中
有鷓鴣飛前隨雙鳳凰梧桐正蒼翠亦待鳴朝陽白露
湛清秋山花已黃黃折之欲相贈歲晏同幽芳

袁曷

可詩齋

玉山河迢迢池臺隔煙浦相望伊永懷於焉得佳聚清

御選元詩 卷三
才誰匹儔高情邁今古浣花溪上春夢草池頭雨緬思
江右謝載念韋曲杜於以陶性情橫琴聊自鼓

唐元

虞山秋夜

迢迢秋夜長青燈半明滅棲鵲遶疎枝濕螢依腐葉谷
空振幽響室靜生虛白數聲誰家笛吹隋西窗月

東臯

暄晨步東臯春風襲杖屨溪流帶落花晴煙裊飛絮濯
足竹邊泉散策松下路幽禽忽驚起飛過溪南樹林深
疑無人俄聞響機杼

顧達

綠波亭

碧色漲春雲圓文生暮雨稍停楊柳岸已沒鷓鴣渚錦
鱗唼萍游蘭棹隔煙語曲闌倚東風懷人渺南浦

浣花館

密葉晝沉影落英春洗香白雪紛渚亂錦雲綠岸長尋
津迷去路懷人贈遺芳元洲諒非遠樓臺煙霧藏

漁莊

洲迴集芳氣流水蕩晴暉西風橫笛坐明月棹船歸綠
渚葭莢靡近人鷗鷺飛緬懷浮家去薄暮情依依

春草池

浮颺偃蘭薄飛煙生水連紅沾雨花濕翠侵衣桁鮮翡

御選元言卷三
翠晚迷徑蜻蜓酣倚船援筆攄藻思臨流懷惠連

陸仁

春還軒

陰陽無停運太極體自常垢復天地樞日月天地房凝
寒一已消煦煦春載陽曲塘魚上冰曾漢雁北翔潛心
驗物候齋居情味長容色當少壯豈不惜流光流光不
待人撫時且徜徉

舒頔

看書

一日不看書此心若有失看書心未已細字費目力六
經皆糟粕中有味如蜜古來聖與賢孜孜復汲汲流傳

百世下相見不相識今人不如古古人豈今日時還看
我書撫卷三歎息

賦詩

一日不作詩此心成渴想非關賦性癖只為薄技癢六
義起商周漢魏相倣倣下逮唐宋間聲韻迭清響于焉
觀治亂豈直事標榜窮幽與曠達俱屬浩氣養要當搜
神奇後世知音賞

古松

偃蹇歲寒姿盤屈當虛櫺蒼皮絡紫蘚翠色搖青冥中
藏六月雪下伏千載苓酷暑亦何畏隆冬愈加青老骨
存蛟龍繁枝庇林垆不幸失所依流禍延丙丁恩深感

雨露猶足揚王庭天風西南來慎勿驚山靈

白槿花

素質不自媚開花向秋前澹然超羣芳不與春爭妍涼
夜弄清影縞衣照嬋娟佳人分寂寞零落祇自憐鮮鮮
碧雲樹皎皎萬玉懸朝開幕還落物理乃自然嗤彼擁
腫木徒爾全天年

七佛菴三十韻

春色如多情陰雲貸游矚登臨不憚勞踣踣轉山谷石
磴危欲欹梯身進恐覆松風響簫笙花露滴巾幅鑿鑿
石齒連盤盤山脊伏初疑路不通似覺地可縮小憩林
木深大觀天地育曠胸陵八荒舉手決四瀆歲暮歷險

艱時危事幽獨情深山水佳興遣杖履復七佛菴先登
一人泉可掬誓將寂滅心受此清淨福人世徒喧啾山
門遠榮辱艱難慨諸僧落莫棲老屋江水清入懷淮山
翠凝目花陰覆曾簷鳥語隔幽竹稽首幡幢翻升階路
徑熟禪心絮沾泥世味蠟煮粥軍政期嚴明民風慕清
穆旣興楊朱悲復動賈生哭再上講經臺仍摳御風服
凭高氣層層眺遠山轟轟石眼松絡根崖腰樹飛瀑一
泓照鬚眉兩地映蘭菊骨蛻超塵寰性空悟機軸無心
雲自飛得趣景何倏綠樹啼白猿青莎卧黃犢川原豁
而開麻麥蔚以蓼游辰風日和行徑草花馥冥冥鶴歸
來長嘯下山麓

頭陀廢寺

微雲漏疎雨春事將結束小徑敷落紅長條已棲綠行
行扣禪關寂寂歎老屋犬吠知客來巖棲見僧獨漣漪
漾方池青蔥鬱嘉木立教雖尚空存心未脫俗於世竟
何裨零落歸山谷極樂迷羣生無生惑三竺風光慰羈
人聊此寓游目

閒步

和風漾晴雲約我散芒屨步出東南郊情景欣有託好
鳥鳴嚶嚶幽花淡漠漠平生江海交亂後半淪落惟餘
白髮翁林下甘寂莫眼前兒與孫嬾惰不好學緬懷栗
里人取醉聊自樂

周霆震

大風發屋雨雹交集

大風西北來屋瓦去如走麗譙雙闕壯關鍵決樞紐蒼
蒼泮宮柏枝葉互紛糾移時折偃蹇巧力無措手西禪
鐵浮圖摧仆如拉朽臨江戰樓飛夾巷坊額剖恍疑會
羣龍奮發交怒吼泰山恐頽裂寧復計培塿老夫閉門
臥雨雹散窗牖倉皇正衣冠力疾坐良久天威俄咫尺
性命亦何有默悟貴存心淵冰慎吾守

歲暮簡張梅閒

憶昔慕遠遊朝華沐春露焉知喪亂後林杪秋葉蠹間
關西州門寒日收踽步尚餘平生友示我廣平賦耿耿

御選元言 卷三十一
河漢輝幽幽冰雪度終慚媚求悅寧悔貞取妬朗吟發
孤音明月落庭戶世事殊未涯歲年忽云暮有美君子
心永言金石固

濯濯江漢女

濯濯江漢女幽貞出良家十年守空幃夫壻天之涯良
夜秉明燭悉心務絲麻憶昨秋風起河洛昏塵沙傷彼
朱絲絃逸響趨淫哇朝為御溝柳暮作陌上花世態固
應爾委置勿復嗟所悲在新春雨露凝朝華感此深閉
門淵冰慮彌加藏玉萬仞岡守護盤龍蛇投珠千頃陂
光燄驚魚鰕夫壻會有期豈問歲月賒寸心如皦日終
始宜無瑕

吳海

送傅德謙還臨川

傅君隘流俗舉步追古人古人去已遠斯道為荆榛出
門抱高志區區向誰陳十年江海上漂泊但一身念我
德不孤邂逅遂見親相知寧苦晚不覺逾三春精微共
探討議論發清新誼合然諾重途窮憂思頻如何語離
別使我意酸辛酸辛不在別欲留我何貧聞水東赴海
楚山西入秦春波正浩蕩誰能知其津

游七巖寺

羅田衆山中七巖獨高秀經營將半載宿願始得副緣
雲攀鳥道十步九猷猷剛飈從北來巖谷盡號噉促步

赴層巔依石避野燒鬱然煙燄交欸若雷電遶其勢吁
可畏童僕盡驚走須臾得少息方覺性命有列坐咸自
慶啗哉酌大斗陰陽却變化霏雨垂白晝癡雲迷海嶼
昏霧失林藪歸途畏虎迹慘慘暝色厚幽懷莫能寫造
次宜自咎述此成短章聊用紀邂逅

夏日讌東臯亭

展席俯清池倚檻盼層巘苗綠滿平疇草秀被長坂風
度荷氣清日移樹陰轉長嘯天為高汎觀心自遠良時
會豈易莫待歲華晚

楊翮

送孔進道宰星子

素王有賢孫達尊在德齒爵膺天子命綰綬宰百里南
康控湖江屬縣望星子江右號囂譁斯地獨醇美帝眷
禮義俗擇令煩為理惟君當厥任君志亦頗喜揚颿溯
洪濤巨艦千圖史牛刀新發斲割雞聊用此撫字定多
暇絃歌自今始廉車察殿最衡鑒在止水會採襦袴謠
移書上風紀

春游次韻

白日諒難羈流光遽侵尋春風萬餘里觸景愁我心出
門將何之高步凌嶇嶽嶽纍纍丘冢間古木殊陰森昔賢
日已遠朱瑟尚遺音千秋百歲後有酒不可斟傷哉雍
門語感之淚霑襟榮名安足羨行樂須在今夙興聽鴻

雁嗷嗷尚哀吟

酬孔秀才

達人樂高蹈寒士耽遠遊遠遊欲何之禦冬無重裘棲
棲道路間四顧誰與謀温言忽相慰慶愜復焉求三復
緇衣詩調高安能酬薄言寫心曲終覺懷慚羞

張端

和楊孟載對花五詠

種花

種花以娛情而必去惡草草惡人所憎不似花枝好莫
教花易飛花飛迫人老歲晏孰能留行樂宜及早

看花

春風方袞袞春雨亦踈踈江南二三月好花無處無看

花不知疲飲酒須百壺明朝酒重載紅雨落紛敷

折花

灼灼樹上花枝枝可攀折折以贈所思亦復自怡悅今
日顏色好明日風光別年年送清明一樹東關雪

買花

萬井夜雨歇一枕春日紅開簾買花看恰與去年同花
枝固須好人生自飄蓬未信賣珠兒不作白髮翁

惜花

見花心目舒惜花懷抱惡日日池上行片片風前落盈
盈一春愁脈脈無處託殘紅抱餘香遺恨芳洲泊

朱希晦
巢居不厭客況乃佳客至擷蔬薦濁醪談經得真趣歸
雲度遙岑斜日在高樹對飲須盡歡何時復相遇人生
能幾何行樂貴適意不見萍與蓬飄飄無定處搔首仍
踟躕臨風發長喟

甘復
野風飄征衣野日轉空壁衆鳥號荒墟雜花翳叢棘路
暗不逢人煙火望林隙
春風大宿山家雨亦刺刺西南二三月秋芬無處無香

晚至陳氏館
虛煙散華池高蟬暮聲咽落景對閒眠新秋入華髮素
懷愜幽賞微颺灑林末為愛竹間涼相過步庭月
曉起
晨暉澹芳牖顥氣盈幽襟巖谷有秋意西風吹滿林獨
櫛高館罷暢游南澗潄漱齒掬寒瀨矯首望孤岑悠然
釋百慮似得靜者心磴轉入茂樹衆山坐來深
晚出池上
遙嶺散夕雨掩書游方塘棲鳥喧幽林簷蛛引絲長木

御選元言 卷三
杪微風度颯然生早涼沿流弄潺湲倚竹聽琳琅丘園
信爲樂圭組永相忘落景送遐矚暢懷寓清觴但得寫
心素焉知兩鬢蒼

山堂詩爲周伯清賦

清旭崇林坳踈籬翠澗上細路徑谷虛幽軒面林敞樹
涼集鳴禽地遠謝塵鞅下手拂玉琴微風遞遙響冷然
適素懷聊以寄心賞
披褐涉西園煩襟散清曉微風動高樹零露下芳沼始
行幽谷中忽出青林杪流水漂餘花脩筠度啼鳥身緣
翠石迴思逐白雲杳負杖歌賞懷春闌綠陰悄

留睿

寄遠

征夫往幽燕賤妾住吳越參商二十載綠鬢生華髮年
年望蜚鴻目斷愁不歇秋盡冬復春葉落花更發恨君
顧妾身不如天上月月行幾萬里東出復西沒天東出
夜光夜光頻照妾妾容謾如花君情遽如葉念欲走從
君河廣詎可涉燕趙多美人顏色皎如雪所樂在新知
誰復念離別雪性本飄蕩雪質易虧缺何如賤妾心不
轉堅似鐵君看望夫石千載名不滅

余詮

春夢軒

池青草色暖蝶繞花枝滿花滿復花飛春歸蝶亦歸蝶
歸春杳杳春夢何時曉推枕看東風幾人春夢中

周南老

芳桂塢

林塢藏幽芳叢桂團蒼玉子落明月中香生流澗曲風
前隋粟金雨餘明淨綠伍以荃蘭幽愧彼桃李俗中有
道人居清名紀仙錄為花歌古香對酒不忍觸

董佐才

題華亭朱孟辨篆冢詩卷

古初無毫楮羲畫何由傳孰知文字理已具河圖前神
農洎蒼頡俯仰極人天穗書與鳥書創制分後先龜麟

錫禹時盤銘著湯年岐陽紀石鼓史籀稱獨賢矯若蛟
龍蟠鬱若鎖鈕連科斗聿行漆形體因自然一從孔壁
廢重為經籍憐秦相約籀古撰次蒼頡篇小篆遂名家
勁健含姿妍登封及詛神金石紛雕鐫下逮隸八分變
化如雲煙漢經煨燼餘文教仍敷宣保氏存六書學僮
纔九千揚雄纂奇字杜林解探研繼蹟非無人意象莫
不全偉哉許祭酒蒐羅歸簡編墜緒賴復舉後學知相
沿陽冰克遠紹鉉錯造其元近代部與周筆勢回奔川
華亭朱茂才好古喜欲顛一掃世俗書習篆忘食眠秦
望并之果碧落兼新泉小者案間列大者屋壁懸平生
囊橐貲多充買碑錢功深學既精齒壯志亦堅池魚染

御選元言 卷三
皆黑鐵硯磨將穿摹榻累萬番期差古人肩師法正在
茲什襲比蹄筌孫樵文自祭智永筆忍捐前修不我欺
我癖尤難痊嗟我細林山上與浮雲聯譬彼汲冢書函
之瘞其巔聚土封若堂劓石表為阡其陽碧樹交其陰
書帶緣山靈謹呵護有名如有仙揮灑人間者顯晦名
非偏寶劔賈胡發玉柙蔓草纏何如篆冢光夜夜映星
躔

華幼武

送族姪擴之通州

吾族最全盛家聲詩禮傳自遭喪亂後誰能事陳編猶
子苦好學鄉閭獨稱賢文采珊瑚枝照映棠棣篇時同

竹林會嘯詠相周旋一朝攜酒至別我荒城邊問渠欲
何之言將適通川通川渺何許遠在滄海壖府侯朱夫
子招我開講筵老懷極慰喜汝去毋留連吹噓千里外
感激故人憐脩程盡努力慎勿中道捐蛟龍起春雷鵬
鷲搏秋天物遇各有時立功須盛年此行非草草著鞭
宜爾先要登青雲路忠義尚勉旃舟發梁溪水帆拂狼
山煙骨肉重相思兩地心懸懸長江浩無波擊楫秋風
前行當賦清句懷此山中泉
次元翬見寄韻
通衢一傾蓋分手猶惜別況是忘年交離緒那可說蟬
鳴野外秋雁叫沙頭月永保松柏姿同盟歲寒節

葉顥

題松雲齋十五韻

青松如舞蛟白雲如游龍龍游化甘霖與世為年豐蛟
 舞散清影利爪拏高穹二者無限奇盡入幽人宮幽人
 室懸磬隱約松雲中松秀悅耳目雲生盪心胸讀書坐
 雲石鼓琴雜松風無往不自得深嘉世慮空披雲採松
 花何啻食萬鍾萬鍾食有盡松花味無窮松雲幸無恙
 天地同始終扶筇一相顧摩雲撫孤松問松幾何年適
 與雲會同松靜了不言雲去尋無蹤回首萬峰頂但見
 山重重

三月望夕翫月

長空蟾吐魄良夜何團團皎如青銅鏡璨比白玉盤試
 浴海波底飛上青楓端徘徊嵩岱間宇宙生清寒神光
 常不泯留作千載看

讀書山月下

讀書山月下月色流巖扉松風吹毛髮草露霑裳衣研
 精探元奧竭思窮幽微興亡空感慨今古誰是非孔孟
 幾千載斯文愈光輝蚩蚩愚下士去此將安歸

舉酒春風前

舉酒春風前勿訝衰顏紅藉茲麴蘖媒成彼醞釀功頓
 使鐵石腸化為歡悅容喜色浮鬚眉和氣填心胸浩浩
 六合間廣扇淳厚風兒女豈知此唯醉芳花叢

圍棋白日靜舉袂清風吹神機衆未識妙著時出奇我
老天宇內白雪凝鬚看坐閱幾輸贏歷觀迭興衰古今
豪傑輩謀略正類碁局終一大笑驚起山雲飛

舞劍清夜闌

舞劍清夜闌孤燈耿中堂一舞空奸邪再舞摧豪強頻
起爲君舞月出雲飛揚氣衝牛斗暗影動蛟龍翔悲風
轉蕭颯壯志彌慨慷時哉不可逢石匣深韜藏

東籬

曳杖東籬下層巒列環岫南山如有情青翠俯相就松
桂二老蒼煙霏乍無有孤雲屢出奇羣峰競呈秀圖彩

寫晴嵐琴音漱寒溜采采黃金英芳香滿衣袖

秋懷次童中州韻

長空好明月燦爛今夕晴萬里皆月色四顧無人聲徘徊
下青松照我茅屋明我望長歎息悠然萬感生取杯
挹清光
和此松露傾
嚙之清肺腑
快我平生情

桂魄延秋景松飈生夕涼良宵兩相值蕭瑟流清光風
聲驚客鬢月影照我牀徘徊不成寐轉覺歲月長起坐
問風月而我誰老蒼風靜月不言耿耿天中央

郭鈺

簡王志元

海月上蒼茫照我中庭正香霧出簾遲微風動花影冷

御選元言 卷三
冷綠綺琴拂拭塵埃淨一彈作新聲再彈成雅韻三彈
曲未終感激誰與聽肅衿遲子來無負春宵永

同周愷子諒賦老人會詩

時危親戚散況乃多賤貧睠茲老人會為樂難具陳生
子競榮達志養俱獲伸朝出共寮案夕歸為比鄰異姓
歡愛洽不殊骨肉親起居迭相送惋愉盡情真繫我豈
無母半菽長苦辛願言敷治化枯槁皆同春

早秋陪揚和吉曉登前山望桐江

白鶴導晨從涼颺起林杪振衣凌高岡極目窮幽渺蕭
蕭草樹秋歷歷人煙曉依微元潭觀羣仙在林表下有
塚纍纍世事誰能了桐江滙章水晴漲何渺渺曾不瞬

息間一帶縈沙小無怪豪傑區煙蕪怨啼鳥盛衰兩相
乘元悟良獨少君今脫塵羈相從得閒眺題名剝石苔
借蔭憩叢篠白紵含餘清稍覺心情悄山市門初開飛
塵已紛擾

秋夕王楚善過宿

片雨灑空庭梧桐響殘滴窗戶涵清風孤燈夜寥闐渺
懷平生親睽違不相識公子幸過從為之長歎息意曠
塵慮空語到聰明入山徑披榛蕪晤言永今夕物變心
自傷事往嗟何及遠大與子期無踵炎涼跡

劉永之

秋懷

涼飈振庭樹浮雲結重陰中情忽不樂拂几彈鳴琴冷
冷多苦調零淚霑衣襟遠懷東都士登彼北邙岑悵然
望京洛五噫發哀吟悠悠千載下誰識古人心

小澗讀易軒

環環碧澗連靡靡蒼山屬初日照林端春禽鳴布穀松
深有去雲苔靜無來躅獨把一編書時向窗間讀

海屋為蕭君賦

結屋青海上弄影滄江涯手持翡翠竿誤拂珊瑚枝龍
噓春霧合鶴度曉雲垂弱流幾清淺為書報安期

野老看雲圖

文湍激幽澗白雲流遠山偃仰長松下延眺一怡顏清

風拂素服瑤花落樹間拾薪青煙際煮苓供晚餐耽此
丘中賞竟日未言還

至正壬寅二月廿一日雍虞豈臨江宋某道士

劉旻李文同登西峯之煙雲臺以登高望遠為

韻各賦四首

仙山百餘仞振衣聊共登陽林映昭晰陰壑瀉璵璠靈
泓蟠玉虬丹萸冒翠藤霏霏縠霧斂冉冉卿雲升棲遯
皆真侶摘掞盡高朋雖非幔亭會終使逸情增

炎運昔中否仙吏乃遁逃朝命三山侶夕謝九州豪碧
壘儼遺躅杉桂若旌旄登覽值春晏微雨灑蘭臯俯窺
石壁峭仰羨天路高媿無謝客才翰墨聊復操

素志抱冲澹每懷丘中賞茲山實靈異景物多清曠蜿
虹蒙垂瀑夫容開疊嶂丹柰遺嘉植青猿流哀響赤城
如可希閨風遙相望聊為采真游毋煩北山謗
結構陵紫煙玲瓏望青巘花開一水明松暝衆壑晚驚
麕隱還見長蘿披復卷既同風中詠復此林下宴流眄
屬淹延言歸猶繾綣誰言薄當世暫訢塵事遠

登煙雲臺同西峰諸友分韻得跨字

振策履崔嵬飛步凌雲榭俯觀飛鳥翔遠見平江瀉彈
碁古桂陰酌酒長松下谷響嘯哀猿林香過山麝祈靈
醉巫覡尋真望仙駕翠虬金節導青鸞羽衣跨逸興殊
淹留吹簫待清夜

題匡山石室

羣山爭盤紆衆壑盡奔放中峰最奇絕直立數千丈危
構倚石壁面勢極弘敞心神坐超忽雲雨接惝怳山色
晚更佳泉聲靜逾響猶言最絕頂臨眺極所往欲窮千
里目更試九節杖

精廬極蕭爽乃在匡山涯鮮飈汎林木旭日生巖扉樵
語隔煙小鐘聲出林遲階前百尺樹倒挂枯藤枝中有
避喧者禪誦清四時挽蘿結幽佩紉葉為秋衣靜談遠
公傳東林迹已微怡然契元理令我坐忘歸

擬古

南國有佳人秀色麗春陽素手弄機杼織綺向蘭房涼

宵步玉堦羅襪霑微霜坐愁容華歇中宵理絲簧鳳笙
歡未徹瑤瑟怨何長哀響激林木回車動華堂借問此
何曲新聲奏宮商東鄰有游子聞之感中腸願持五雜
組繫君羅襦裳攜手共游行卒歲以翱翔中情莫自致
脈脈懷內傷

贈義士郭生

郭解古游俠然諾聞公卿片言苟相許九鼎相為輕操
弓過洛社探丸出咸京寶刀酬劇孟白璧奉侯嬴去之
千餘載君今振家聲襟懷還倜儻壯志復崢嶸脫略時
俗子調笑狎羣英華筵間綺席甲第連朱甍駿馬桃花
色金羈翡翠纓良時事游冶南陌復東城一朝風塵起

高義激中情傾家赴國難誓將斬鯢鯨長揖二千石遂
長萬夫營營中燬羣盜墮垣委榛荆千金出私帑梁棟
聿新成門廡旣弘遠堂構復高明三軍盡鼓舞羣公亦
歎驚由來豪傑士乘時樹勛名生當執金吾訓練羽林
兵誰能對青簡齷齪稱儒生

無感遇二首

腐鼠嚇鷓鴣魚目欺明珠由來青雲士高視笑泥途廣
衢馳駿馬長戟夾高車光榮被九族氣燄陵萬夫祇言
固恩寵豈悟有榮枯菘菹生朱門鵬鳥瞰賓除徒聞黃
犬歎千載為驚吁回視揚子雲獨守太元書
大道直如矢曲徑紆且盤舍車康莊內遵彼狹邪間狹

御選元詩卷第二十二
邪多妖麗一笑好容顏金鋪間綺疏青樓入雲端羅袖
為君開瑤琴為君彈明璫結綢繆魚水比交歡一朝青
蠅至白璧生疑患恩愛在頃刻平陸起波瀾早合雖足
貴中捐良可歎

同傳商翁何彥正舟中有懷辛好禮二首

浮雲無定姿青陽易消索渡口人獨歸雨中花盡落風

急賈船稀春寒客衣薄所念同心友天涯尚漂泊

沙際水痕交細草蒙茸長春江下連雁夜雨同孤舫佳

期違宿諾歡笑懷前賞餘燼落寒燈卧聞漁版響

御選元詩卷第二十二

邪多歡笑一夫好歌
為君開瑞其為君
暉明增結縷魚水
比交勸一朝書
施至白壁生疑為
恩愛在項刺平陸
起波瀾早合雖足
貴中拍良可歎

同傅商翁何彥正舟中有懷
二首

浮雲無定姿青陽易消
索渡口人獨歸雨中
花盡落風急雲船稀
春寒客衣薄所念同
心友天涯尚漂泊
沙際水痕交細草
蒙茸長春江下連
雁夜雨同孤舫佳
期違宿諾歡笑懷
前賞餘燼落寒燈
卧聞漁版響

御選元詩卷第二十二

